


冊府元龜

二百廿一



			五	漢
		三	三	書
		二	四	門
		〇	七	
		〇	五	
冊	架	函	號	類

			五	漢
		三	三	書
		〇	四	
		一	五	
		〇		
冊	架	函	號	類

內閣文庫	
番號漢	5345
冊數	300 (221)
函號	365 6

七百廿五之七

二百廿一



冊府元龜

總纂文庫

淮南李嗣京叅閱

西極文翔鳳訂正

豫章黃國琦較釋

陪臣部 七百三十五

智識第四

鬬伯比楚大夫也楚武王侵隨魯桓公六年使遠章求成

焉遠章楚大夫軍於瑕以待之瑕隨地隨人使少師董成少師

隨大夫董正也鬬伯比言於楚子曰吾不得志於漢東也我

則使然我張吾三軍而被吾甲兵以武臨之彼則懼

而協以謀我故難間也漢東之國隨為大隨張必棄

小國張自侈大也小國離楚之利也少師侈請羸師以張

之羸侈也熊率且比曰季梁在何益熊率且比楚大夫季梁隨賢臣關

伯比曰以為後圖少師得其君言季梁之諫不過一見後隨侯卒當以少

師為計故云以為後圖二年蔡侯鄭伯會于鄧始懼

楚楚子自此遂盛終於抗衡中國故傳備言其事以

終始王毀軍而納少師從伯比之謀少師歸請追楚師隨

侯將許之季梁止之隨侯懼而修改楚不敢伐

叔伯楚大夫也僖公二十三年成得臣帥師伐陳成

臣子王也討其貳於宋也取焦夷城賴而還子文以為之叔伯楚大夫遂呂臣

功使為令尹叔伯曰子若國何也以為子玉不任令

尹對曰吾以靖國也夫有大功而無貴仕貴仕其人

能靖者與有幾

薦賈楚大夫僖公二十七年楚子將圍宋使子文治

兵於睽子文時不為令尹故云使治兵習號令也睽楚邑終朝而畢不戮一

人終朝自旦及食時也子玉復治兵於薦子玉為令尹故薦楚邑終日而

畢鞭七人貫三人耳國老皆賀子文子文飲之酒賀

玉堪其事薦賈尚幼後主不賀子文問之對曰不知所賀

子之傳政於子玉曰以靖國也靖諸內而敗諸外所

獲幾何子玉之敗子之舉也舉以敗國將何賀焉子

玉剛而無禮不可以治民過三百乘其不能以入矣



苟入而賀何後之有

潘廸楚大夫也文公十六年楚伐庸自廬以往振廩

同食往伐庸也振發也廩倉也同食上下無異饌也次于句瀝楚西界也使廬

戡梨侵庸戡梨廬大夫及庸方城方城庸地上庸縣東有方城亭也庸人

逐之囚子揚窻窻戡梨官屬三宿而逸曰庸師衆庸蠻聚

焉不如復太師還復自筮師且起王卒合而後進師叔曰

不可師叔廸字姑又與之遇以驕之彼驕我怒而後可克

先君盼冒所以服陘隰也盼冒楚武王諸父陘隰地名又與之遇

七遇皆北軍走日北唯裨儵魚人實逐之裨儵魚庸三邑魚魚復縣今巴

東永安縣輕楚故但使三邑人逐之庸人曰楚不足與戰矣遂不設備

楚子乘驛會師于臨品驛傳車也臨品地名也分為二隊隊部也

為兩地攻之子越自石溪子貝自伊以伐庸子越闔椒也石溪伊入庸遂滅庸

道秦人巴人從楚師群蠻從楚子盟蠻見楚強故

申叔時楚大夫也成公十六年晉侯伐鄭人聞有晉

師使告于楚姚句耳與往句耳鄭大夫與往非使也楚子救鄭司

馬將中軍子反令尹將佐子重右尹子辛將右公子過申

子反入見申叔時曰叔時老日師其何如對曰德刑

詳義禮信戰之器也器猶用也德以施惠刑以正邪詳以

事神義以建利禮以順時信以守物民生厚而德正

財足則用利而事節動不失利則事得其節時順而物成羣生得所

思無邪子行也陪臣部

上下和穆周旋不逾動順求無不具下應各知其極

無二故詩曰立我蒸民莫匪爾極蒸衆也極中也詩頌言先王立其衆

民無不是以神降之福時無災害民生敦厖和同以

聽敦厚厖莫不盡力以從上命致死以補其闕闕戰死也

此戰之所繇克也今楚內棄其民不施而外絕其好

義不瀆齊盟不詳而食諾言信不奸時以動禮不順

建利而疲民以逞刑不正邪民不知信進退罪

也人恤所底其誰致死底至子其勉之吾不復見子

矣言其必姚句耳先歸子駟問焉對曰其行速過險

而不整速則失志不思不整則喪列志失列喪將何

以戰楚懼不可用也戰於鄢陵楚師敗績

遂子馮楚大夫也襄公二十四年楚子伐鄭以救齊

門于東門次于棘澤諸侯還救鄭楚子自棘澤還使

遠啓疆帥師送陳無宇傳言齊楚吳人爲楚舟師之

役故在此召舒鳩人舒鳩人叛楚舒鳩楚屬國名欲

楚子師於荒浦荒浦舒使沈尹壽與師祁犁讓之二

皆楚大夫也舒鳩子敬逆二子而告無之且請受盟二子

復命王欲伐之遠子曰不可彼告不叛且請受盟而

又伐之伐無罪也姑歸息民以待其卒卒終卒而不

貳吾又何求若猶叛我無辭有庸乃還彼無辭我有

功明年楚滅



鳩舒

遠啓疆楚大夫也齊侯既伐晉而懼將欲見楚子楚

子使遠啓疆如齊聘且請期請其會齊社蒐軍實使客

觀之祭社因閱數軍陳文子曰齊將有寇吾聞之兵

不戢必取其族戢藏也族類也取族還自害

沈尹戌楚大夫也昭公二十三年楚囊瓦為令尹囊瓦

嘗也子囊之孫子城郢楚用子囊遺言已築郢城矣今畏吳復增修以自固沈尹戌

日子嘗必亡郢苟不能衛城無益也古者天子守在

四夷德及遠天子卑守在諸侯政卑損諸侯守在四鄰鄰

守為之諸侯卑守在四境裁省慎其四境結其四援結四鄰之

國以為援助民狎其野狎安習也三務成功春夏秋三時之務民無內

憂而又無外懼國焉用城今吳是懼而城於郢守已

小矣卑之不護能無亡乎不護守四境昔梁伯溝其公宮

而民潰在僖公十八年也民棄其上不亡何待夫正其疆場

修其土田險其走集走集邊境之壘壁親其民人明其伍侯

使民有部伍相為候望信有鄰國慎其官守守其交禮交接之禮不

僭不貪不懦不耆懦弱也耆強也完其守備以待不虞又何

畏矣詩曰無念爾祖聿修厥德詩大雅無念念也聿述也義取念祖考則

述其治德以顯之無亦監乎若敖盼冒至於武文四君皆楚先君之賢

者土不過同方百里為一同言未蒲一所慎其四境猶未城郢今

毋好光遠陪臣部伍

土數圻方千里而郢是城不亦難乎言守若是難以為安也定四年

吳入楚

寧國楚大夫也楚莊王欲伐陳使人視之使者曰陳不可伐也莊王曰何故對曰城郭高溝洫深畜積多也寧國曰陳可伐也夫陳小國而積畜多賦歛重也則民怨上矣城郭高溝洫深則民力罷矣興兵伐之陳可取也莊王聽之遂取陳

孫叔敖楚大夫也脈丘丈人謂孫叔敖丈人老人而居脈丘者

曰人有三怨子知之乎孫叔敖曰何謂也對曰爵高者士妬之官大者主惡之祿厚者怨處之孫叔敖曰

吾爵益高吾志益下吾官益大吾心益小吾祿益厚

吾施益博是以免三怨可乎故老子曰必貴而以賤

為本必高而以下為基又孫叔敖疾將死戒其子曰

王數封我矣吾不受也孫叔敖遠賈之子莊王之令尹也我死王必

封汝汝必無受利地人所貪利之地楚越之間寢之丘者此

其地不利人不利之而名甚惡謂丘也荆人鬼而越人機言荆

人畏鬼神越人信吉凶之機可長有者唯此也唯獨也

孫叔敖死王果以美地封其子辭而請寢之丘至今

不失孫叔敖之知知以不利之為利矣知以人之所

惡為己之所善矣此有道者之所異乎俗也衆人利利孫叔



利 敖病

申無宇楚大夫也昭公四年楚子欲遷許於賴使闞韋龜與公子棄疾城之而還為許城也韋龜子文之玄孫申無宇

日楚禍之首將在此矣召諸侯而來伐國而克城境

莫校謂築城於外境王心不違民其居乎言將有事不得安也

民之不處其誰堪之不堪王命乃禍亂也

椒舉楚大夫也昭公四年申之會楚子示諸侯侈奢

侈椒舉曰夫六王二公之事六王湯武成康穆啓也二公齊桓公晉文公

皆所以示諸侯禮也諸侯所繇用命也夏桀為仍之

會有緡叛之仍緡皆國名商紂為黎之蒐東夷叛之黎東夷國

名周幽為大室之盟戎狄叛之大室中岳皆所以示諸侯

汰也諸侯所繇棄命也今君以汰無乃不濟乎王弗

聽子產見左師曰吾不患楚矣汰而復諫復恨也不過

十年左師曰然不十年侈其惡不遠遠惡而後棄惡及

遠方而人棄之善亦如之德遠而後興

范無宇楚大夫也楚靈王城陳蔡不羹使僕夫子皙

問於范無宇曰吾不服諸夏而獨事晉何也唯晉近

我遠也今我城三國賦皆千乘亦當晉矣又加之以

楚諸侯其來乎對曰其在志也國為大城未有利者

昔鄭有京櫟衛有蒲戚宋有蕭蒙魯有卞費齊有渠

丘晉有曲沃秦有徵衙叔段以京患莊公鄭幾不封
 櫟人實使鄭子不得其位衛蒲戚實出獻公宋蕭蒙
 實弒昭公魯卞費實弱襄公齊渠丘實弒無知晉曲
 沃實納齊師秦徵衙實難桓景皆志於諸侯此其不
 利者也且夫制城邑若體性焉有首領股肱至於指
 拇毛脉大能掉小故變而不動地有高下天有晦明
 民有君臣國有都鄙古之制也先王懼其不帥故制
 之以義旌之以服行之以禮辯之以名書之以文道
 之以言既其失也易物之繇夫邊境者國之尾也譬
 之如牛馬處暑之既至虫蠶之既多而不能掉其尾

臣亦懼之不然是三城也豈不使諸侯之心惕惕焉
 子哲復命王曰是知天咫安知民則是言誕也右尹
 子革侍曰民天之生也知天必知民矣是其言可以
 懼哉三年陳蔡及不羹人納棄疾而弒靈王

王子勝楚大夫也昭十八年言于楚子曰許於鄭仇
 敵也而居楚地以不禮於鄭十五年平王復遷邑許自夷還居葉恃楚而不

事鄭晉鄭方睦鄭若伐許而晉助之楚喪地矣君盍遷
 許許不專於楚自以舊國不專心事楚鄭方有令政許曰余舊

國也許先鄭封鄭曰余俘邑也隱十一年鄭滅許而葉在復存之故曰我俘邑
 楚國方城之外蔽也為方城外之蔽障士不可易易輕國不

可小謂鄭許不可俘讎不可啓君其圖之楚子說冬楚

子使王子勝遷許於析實白羽於傳時白羽改為析

士尹池楚大夫也使於宋司城子罕止而觴之南家

之牆犖於前而不直犖猶出也出於子罕堂前西家之潦經其宮

而不止西家地高潦流注子罕之宮而不禁之也尹池問其故子罕曰南

家工人也為鞅者也鞅作履之工也吾將徙之其父曰吾恃

為鞅以食三世矣今徙是宋國之求鞅者不知吾處

也吾將不食願相之憂吾不食也為是故吾不徙之

也西家高吾宮卑潦之徑吾宮也利故不禁也士尹

池歸楚適興兵而將攻宋士尹池諫曰宋不可攻也

其主賢其相仁賢者得民仁者能用人若攻之必無

功徒為天下笑耳遂釋宋而攻鄭孔子聞之曰夫修

之於廟堂之上而折衝乎千里之外者其司城子罕

之謂

蓋尹亶楚大夫也子西歎於朝藍尹亶曰吾聞君子

惟獨居思念前世之崇替與哀殯喪於是有歎其餘

則否君子臨政思義飲食思禮同宴思樂在樂思善

無有歎焉今吾子臨政而歎何也子西曰闔廬能敗

吾師闔廬即世吾聞其嗣又甚焉吾是以歎對曰子

患政德之不修無患矣夫闔廬口不貪嘉味耳不



樂逸聲日不淫於色身不懷於安朝夕勤志恤民之
羸聞一善若驚得一士若賞有過必悛有不善必懼
是故得民以濟其志今吾聞夫差好罷民力以成私
好縱過而翳諫一夕之宿臺榭陂池必成六畜玩好
必從夫先自敗也已焉能敗人子修德以待吳吳將
斃矣

子西楚大夫也哀公元年吳師在陳楚大夫皆懼曰
闔廬惟能用其民以敗我於柏舉今聞其嗣又甚焉
將若之何子西曰二三子恤不相睦無患吳矣昔闔
廬食不二味居不重席室不崇壇平地作室不起壇也器不彤

鏤形丹也鏤刻也宮室不觀觀臺榭舟車不飾衣服財用擇不

取費選取堅厚不尚細靡在國天有菑癘癘疾疫也親巡孤寡而共

其乏困在軍熟食者分而後敢食必須軍士皆分熟食不敢先食分猶

編也其所嘗者卒乘與焉所嘗其於非嘗食勤恤其民而與之

勞逸是以民不罷勞死知不曠知身死不曠見曠乘吾先大夫

子嘗易之所以敗我也易猶反也今聞夫差次有臺榭陂

池焉積土為高曰臺有木曰榭過再宿曰次宿有妃嬪嬪御焉妃嬪貴者嬪御

賤者皆內官一日之行所欲必成玩好必從珍異是聚觀

樂是務視民如讐而用之日新夫先自敗也已安能

敗我



范蠡楚臣也齊使其茂於楚楚懷王新與秦合婚而

驩昭王二年時而秦聞其茂在楚使人謂楚王曰願

送其茂於秦楚王問於范蠡曰蠡一作蠡寡人欲置相於

秦孰可對曰臣不足以識之楚王曰寡人欲相其茂

可乎對曰不可夫史舉下蔡之監門也大不為事君

小不為家室以苟賤不廉聞於世其茂事之順焉故

惠王之明武王之察張儀之辯而其茂事之取十官

而無罪茂誠賢者也然不可相於秦夫秦之有賢相

非楚國之利也且王前嘗用召滑于越滑一作滑而內行

章義之難一云內自章昧之難越國亂故楚南塞厲門一作瀨而

郡江東計王之功所以能如此者越國亂而楚治也

今王知用諸越而忘用諸秦臣以王為鉅過矣然則

王若欲置相於秦則莫若向壽者可夫向壽之於秦

王親也少與之同衣長與之同車以聽事王必相向

壽於秦則楚國之利也於是使使請秦相向壽於秦


秦宰相向壽而其茂竟不得復入秦卒於魏

季扎吳大夫也襄公二十九年聘魯見叔孫穆子說

之謂穆子曰子其不得死乎不得以壽死好善而不能擇

人吾聞君子務在擇人吾子為魯宗卿而任其大政

不慎所舉何以堪之禍必及子昭四年豎牛作亂殺



穆子遂聘於齊說晏平仲謂之曰子速納邑與政納

公之干無邑無政乃免於難齊國之政將有所歸未獲

所歸難未歇也歇盡也故晏子因陳桓子以納政與邑

是以免於欒高之難聘於鄭見子產如舊相識與之

縞帶子產獻紵裘焉大帶也吳地貴縞鄭地貴紵故各獻已所貴示損已而不為彼

利貨謂子產曰鄭之執政侈難將至矣政必及子子為

政慎之以禮不然鄭國將敗侈謂伯有適衛說蘧瑗蘧伯玉

史狗史朝之子史鮪史魚公子荆公叔發公叔文子公子朝曰

衛多君子未有患也自衛如晉將宿于戚戚孫文子之邑聞

鐘聲焉曰異哉吾聞之也辯而不德必加於戮辯猶爭也

夫子獲罪於君以在此孫文子懼猶不足而又何樂以戚叛

夫子之在此也猶燕之巢于幕上言至危君又在殯而

可以樂乎獻子卒未葬遂去之不止宿文子聞之終身不聽

琴瑟聞義能徙適晉說趙文子韓宣子魏獻子曰晉國其

卒於三家乎言晉國之政將集於三家說叔向將行謂叔向曰吾

子勉之君侈而多良大夫皆富政將在家富而厚施故政在家

吾子好直必思自免於難

李克魏大夫魏武侯之居中山也問於李克曰吳之

所以亡者何也李克曰驟戰而驟勝武侯曰驟戰而

驟勝國家之福也其亡也何故對曰驟戰則民罷驟

勝則主驕以驕主使罷民然而不亡者鮮矣驕則恣
恣則極物罷則極慮上下俱極吳之亡也猶晚
趙奢趙之田吏部也收租稅而平原君家不肯出趙
奢以法治之殺平原君用事者九人平原君怒將殺
奢奢因說曰君於趙爲貴公子今縱君家而不奉公
則法削法削則國弱國弱則諸侯加兵諸侯加兵是
無趙也君安得有此富乎以君之貴奉公如法則上
下平上下平則國強國強則趙固而君爲貴戚豈輕
於天下邪平原君以爲賢言之於王王用之治國賦
國賦太平民富而府庫實

藺相如趙大夫也爲上卿位在廉頗之右廉頗曰我
爲趙將有攻城野戰之大功而藺相如徒以口舌之
勞而位居我上且相如素賤人吾羞不忍爲之下宣
言曰我見相如必辱之相如聞不肯與會如每朝時
嘗稱病不欲與廉頗爭列已而相如出望見廉頗相
如引車避匿於是舍人相與諫曰臣所以去親戚而
事君徒慕君之高義也今君與廉頗同列廉君宣惡
言而君畏匿之恐懼殊甚且庸人尚羞之况於將相
乎臣等不肖請辭去藺相如固止之曰公之視廉將
軍孰與秦王曰不若也相如曰夫以秦王之威而相

如廷叱之辱其群臣相如雖鴛獨畏廉將軍哉顧吾
念之強秦之所以不敢加兵於趙者徒以吾兩人在
也今兩虎共鬪其勢不俱生吾所以爲此以先國家
之急而後私讐也廉頗聞之肉袒負荆因賓客至藺
相如門謝罪曰鄙賤之人不知將軍寬之至此也卒
相與驩爲刎頸之交

宋公者趙仇液之客也秦昭王七年樗里子死而使
涇陽君質於齊趙人樓緩來相秦趙不利乃使仇液
之秦請以魏冉爲秦相仇液將行其客宋公謂液曰
秦不聽公樓緩必怨公公不若謂樓緩曰請爲公毋

急秦秦王見趙請相魏冉之不急且不聽公公言而
事不成以德樓子事成魏冉故德公矣於是仇液從
之而秦免樓緩而魏冉相秦

甯越趙大夫也齊攻廩丘趙使孔青將兵救之與齊
人戰大敗齊將死得車二千得屍二萬以爲二京京觀
也甯越謂之曰惜矣不如歸屍以內攻之越聞之古

之善戰蒞隨貢服貢置也服則置之郤舍延屍郤舍以緩其民使得收之

車甲盡於戰府庫竭於葬此之謂內攻之孔青曰敵
齊不屍則如何甯越曰不然彼戰而不勝其罪一與
人出而不與之入其罪二與之屍而不取其罪三民



以此三者怨其上則上無以使下下無以事上是之謂重攻之甯越可謂知用文武矣

商文事魏吳起謂商文曰事君果有命矣夫商文曰何謂也起曰治四境之內成馴教變習俗使君臣有義父子有親子與我孰賢商文曰吾不若子曰今日置質為臣其主安重今日釋璽辭官其主安輕子與我孰賢商文曰吾不若子起曰士馬成列馬與人敵人在馬前援桴一鼓使三軍之士樂死若生子與我孰賢商文曰吾不若子起曰三者子皆不吾若也位則在吾上命也未事君商文曰善哉亦問子世變三

少群臣相疑黔首不定屬之子乎屬之我乎起默然不對少頃乃曰吾不若子商文曰是吾所以加於子之上矣

魏敬魏臣也初秦王立帝宜陽令計縮誕魏王將入秦魏敬謂魏王曰以河內孰與梁重王曰梁重又口梁孰與身重王曰身重若使秦求河內則王將與之乎王曰不與魏敬曰河內三論之下也秦索其下而王不聽之臣竊不取也王曰善乃輟行

公子無忌魏信陵君也無忌與魏王博而北境傳舉烽言趙寇至且入界

作高木櫓櫓上作桔槔頭兜零以薪置其中謂之烽嘗賊之有

寇即火燃舉 魏王釋博欲召大臣謀公子止王曰趙

之以相告 王田獵耳非為寇也復博如故王恐心不在博居頃

復從北方來傳言曰趙王獵矣非為寇也魏王大驚

日公子何以知之公子曰臣之客有能探得趙王陰

事者趙王所為客輒以報臣臣以此知之是後魏王

畏公子之賢能不敢任公子以國政又齊楚相約而

攻魏秦昭王救之故欲親秦而伐韓以求故地無忌

謂魏王曰秦與戎翟同俗有虎狼之心貪矣好利無

信不識禮義德行苟有利焉不顧親戚兄弟若禽獸

耳此天下之所識也非有所施厚積德也故太后母

也而以憂死穰侯舅也功莫大焉而竟逐之兩弟無

罪而再奪之國此以親戚若此而况於仇讐之國乎

今王與秦共伐韓而益近秦患臣甚惑之而王不識

則不明羣臣莫以聞則不忠今韓氏以一女子奉一

弱主內有大亂外交強秦魏之兵王以為不亡乎韓

亡秦有鄭地與大梁隣王以為安乎王欲得故地今

負強秦之親王以為利乎秦非無事之國也韓亡之

後必將更事必就易與利就易與利必不伐楚與趙

矣是何也夫越山踰河絕韓上黨而攻強趙是復闕

與之事秦必不為也若道河內倍鄴朝歌絕漳滏水



與趙兵次於邯鄲之郊是知伯之禍也秦又不敢伐
楚道涉山谷行三千里而攻冥阨之塞楚之險塞也或以為今江

夏鄆縣所行甚遠所攻甚難秦又不為也若道河外倍

大梁右蔡左召陵與楚兵次陳郊秦又不敢故曰秦

必不伐楚與趙矣又不攻衛與齊矣夫韓亡之後兵

出之日非魏無攻已秦固有懷茅在修武軹縣有茅亭邢丘在

阜坡坻津以臨河內河內共汲必危汲縣屬河內有鄭地

成阜榮陽亦屬縣得垣雍垣雍城在卷縣卷縣屬魏也卷縣又有長城經陽武到蜜者也决

榮澤水大梁大梁必亡王之使者出過而惡安陵氏

於秦召陵有安陵郡征秦之欲誅之久矣秦葉陽昆

陽與舞陽鄰聽使者之惡之隨安陵氏而亡之繞舞

陽之北以東臨許南國必危國無害已夫憎韓不愛

安陵氏可也夫不患秦之不愛南國非也異日者秦

在河西晉國去梁千里魏國之界千里又云河南梁縣有注城有河山

以闡之有周韓以間之從林鄉軍林鄉在宛縣以至于今

秦七攻魏五入囿中一作城中邊城盡拔文臺墮垂都焚

一云魏山都焚林木伐麋鹿盡而國繼以圍又長驅

梁北東至陶衛之郊北至平監平縣屬河南平或作平字史記齊闕止作

監字闕在東所亡於秦者山南山北河外河內大縣

數十一作百名都數百一作十秦乃在河西晉去梁千里



而禍若是矣又况於使秦無韓有鄭地無河山而闌之無周韓而間之去大梁百里禍必繇此矣異日者從之不成也楚魏疑而韓不可得也今韓受兵三年秦橈之以講識亡不聽投質于趙請為天下鴈行頓刃楚趙必集兵皆識秦之欲無窮也非盡亡天下之國而臣海內必不休矣是故臣願以從事王王速受楚趙之約趙挾韓之質以存韓而求故地韓必效之此士民不勞而故地得其功多於與秦共伐韓而又與強秦鄰之禍也夫存韓安魏而利天下此亦王之天時已通韓上黨於共窳

韓歌有窳鄉

使道安成出入賦

之是魏重質韓以其上黨也今有其賦足以富國韓必德魏愛魏重魏畏魏韓必不敢反魏是韓則魏之縣也魏得韓以為縣衛大梁河外必安矣今不存韓二周安陵必危楚趙大破衛齊甚畏天下西鄉而馳秦入朝而為臣不久矣

惠施魏人也齊魏戰於馬陵齊大勝魏殺太子申覆十萬之軍魏王召惠施而告之曰夫齊寡人之讎也怨之至死不忘國雖小吾嘗欲悉起兵而攻之何如對曰不可臣聞之王者得度而霸者知計今王所以告臣者疏於度與計王固先屬怨於趙而後與齊戰



今戰不勝國無守戰之備王又欲悉起兵而攻齊此非臣之所論也王若欲報齊乎則不如因變服折節而朝齊楚王必怒矣王游人而令其鬪則楚必伐齊以休楚而伐罷齊則必為楚擒矣是王以楚致齊也王曰善乃使人報於齊願臣畜而朝田嬰許諾張尹曰不可戰不勝魏而得朝禮與魏和而下楚此可以大勝也今戰勝魏覆十萬之軍而擒太子申臣萬乘之魏而卑秦楚此其於暴戾矣且楚王之為入也好用兵而甚務名終為齊患者必楚也田嬰不聽遂內魏王而與之竝朝齊侯再三趙氏醜之楚王怒自將而伐齊趙應之大敗齊於徐州

虞卿趙上卿也秦趙戰於長平趙不勝亡一都尉趙

王召樓昌與虞卿曰軍戰不勝尉復死復一作係寡人使

束甲而趨之何如樓昌曰無益也不如發重使為媾

右后切求和日媾 虞卿曰昌言媾者以為不媾軍必破也而

制媾者在秦且王之論秦也欲破趙之軍乎不邪王

曰秦之不遺餘力矣必且欲破趙軍虞卿曰王聽臣

發使出重寶以附楚魏楚魏欲得王之重寶必內吾

使趙使入楚魏秦必疑天下之合從且必恐如此則

媾乃可為也趙王不聽與平陽君為媾發鄭朱入秦



秦內之趙王召虞卿曰寡人使平陽君為媾於秦秦
 已內鄭朱矣卿以為奚如虞卿對曰王不得媾軍必
 破矣天下賀戰勝者皆在秦矣鄭朱貴人也入秦秦
 王與應侯必顯重以示天下楚魏以趙為媾必不救
 王秦知天下不救王則媾不可得成也應侯果顯鄭
 朱以示天下賀戰勝者終不肯媾長平大敗遂圍邯
 鄲為天下笑秦既解邯鄲圍而趙王入朝王入朝使
 趙郝音釋一作攻約事於秦割六縣而媾虞卿謂趙王曰
 秦之攻王也倦而歸乎王以其力尚能進愛王而弗
 攻乎王曰秦之攻我也不遺餘力矣必以倦而歸也


虞卿口秦以其力攻其所不能取倦而歸王又以其
 力之所不能取以送之是助秦自攻也來年秦復攻
 王王無救矣王以虞卿之言告趙郝趙郝曰虞卿誠
 能盡秦力之所至乎誠知秦力之所不能進此彈丸
 之地弗與令秦來年復攻王王得無割其內而媾乎
 王曰請聽子割矣子能必使來年秦之不復攻我乎
 趙郝對曰此非臣之所敢任也他日三晉之交於秦
 相善也今秦善韓魏而攻王王之所以事秦必不如
 韓魏也今臣為足下解負親之攻開關通幣齊交韓
 魏至來年而王獨取攻於秦此王之所以事秦必在

韓魏之後也此非臣之所敢任也王以告虞卿虞卿對曰郝言不媾來年秦復攻王王得無割其內而媾乎今媾郝又以不能必秦之不復攻也今雖割六城何益來年復攻又割其力之所不能取而媾此自盡之術也不如無媾秦雖善攻不能取六縣趙雖不能守終不失六城秦倦而歸兵必罷我以六城收天下以攻罷秦是我失之於天下而取償於秦也吾國尚利孰與坐而割地自弱以強秦哉今郝曰秦善韓魏而攻趙者必以爲韓魏不救趙也而王之軍必孤有以王之事秦不如韓魏也是使王歲以六城事秦也

卽坐而城盡來年秦復求割地王將與之乎弗與是棄前功而挑秦禍也與之則無地而給之語曰強者善攻弱者不能守今坐而聽秦秦兵不弊而多得地是強秦而弱趙也以益強之秦而割愈弱之趙其計故不止矣且王之地有盡而秦之求無已以有盡之地而給無已之求其勢必無趙矣趙王計未定樓緩從秦來趙王與樓緩計之曰予秦地何如毋予孰高緩辭讓曰此非臣之所能知也王曰雖然試言公之私樓緩對曰王亦聞夫公甫文伯母乎公甫文伯仕於魯病死女子爲自殺於房者二人其母聞之弗哭

也其相室曰焉有子死而弗哭者乎其母曰孔子賢人也逐於魯而是人不隨也今死而婦人爲之自殺者二人若是者必其於長者薄而於婦人厚也故從母言之是爲賢母從妻言之是必不免爲妬妻故其言一也言者異則人心變矣今臣新從秦來而言勿予則非計也言予之恐王以臣爲秦也故不敢對使臣得爲大王計不如與之王曰諾虞卿聞之入見王曰此飾說也王脊徐廣曰音慎勿予樓緩聞之往見王王又以虞卿之言告樓緩對曰不然虞卿得其一不得其二夫秦趙構難而天下皆說何也曰吾且因強而

乘弱矣今趙兵困於秦天下之賀戰勝者則必盡在於秦矣故不如亟割地爲和以疑天下而慰秦之心不然天下將因秦之強怒乘趙之弊瓜分之趙且亡何秦之圖乎故曰虞卿得其一不得其二願王以此決之勿復計也虞卿聞之往見王曰危哉樓子之所以爲秦者是愈疑天下而何慰秦之心哉獨不言其示天下弱乎且臣言勿予者非固勿予而已也秦索六城於王而王以六城賂齊齊秦之深讐也得王之六城并力西擊秦齊之聽王不待辭之畢也則是王失之於齊而取償於秦也而齊趙之深讐可以報矣



而示天下有能爲也王以此發聲兵未窺於境臣見秦之重賂至趙而反媾於王也從秦爲媾韓魏聞之必盡重王重王必出重寶以先於王則是王一舉而結三國之親而與秦易道也趙王曰善則使虞卿東見齊王與之謀秦虞卿未反秦使者已在趙矣樓緩聞之亡去趙於是封虞卿以一城居頃之而魏請趙王爲從趙孝成王召虞卿謀過平原君平原君曰願卿之論從也虞卿入見王王曰趙請爲從對曰魏過光帥切王曰寡人固未之許對曰王過王曰魏請從卿曰魏過寡人未之許又曰寡人過然則從終不可乎

對曰臣聞小國之與大國從事也有利則大國受其福有敗則小國受其禍今魏以小國請其禍而王以大國辭其福臣故曰王過魏亦過竊以爲從便王曰善乃合魏爲從

段規韓康子臣也趙葭魏宣子臣也張孟談趙襄子臣也知伯帥趙魏而伐范中行氏滅之休數年使人請地於韓韓康子欲勿與段規諫曰不可夫知伯之爲人也好利而鷙復來請地不與必加兵於韓矣君其與之與之彼狃又將請地於他國他國不聽必鄉之以兵然則韓可以免於患難而待事之變康子曰


善使使者致萬家之邑一於知伯知伯說又使人請地於魏魏宣子欲弗與趙蔭諫曰彼請地於韓韓與之請地於魏魏弗與則是魏內自強而外怨知伯也然則其錯兵於魏必矣不如與之宣子曰諾因使人致萬家之邑一於知伯知伯說又使人之趙請蔡臯狼之地趙襄子弗與知伯因陰結韓魏將以伐趙趙襄子召張孟談而告之曰夫知伯之爲人陽親而陰疏三使韓魏而寡人弗與焉其移兵寡人必矣今吾安居而可張孟談曰夫董閼安於簡主之才臣也世治晉陽而尹鐸循之其餘政教猶存君其定晉陽君

曰諾乃使延陵王將車騎先之晉陽君因從之至行城郭案府庫視倉廩召張孟談曰吾城郭之完府庫足用倉廩實矣無矢奈何張孟談曰臣聞董子之治晉陽公宮之垣皆以狄蒿若楚牆之其高至丈餘君發而用之於是發而試之其堅則箇輅之勁不能過也君曰矢足矣吾銅少張孟談曰臣聞董子之治晉陽也公宮之室皆以鍊銅爲柱質請發而用之則有餘銅矣君曰善號令以定備守以具三國之兵乘晉陽城遂戰三月不能拔因舒軍而圍之决晉水而灌之圍晉陽三年城中巢居而處懸金而炊財食將盡

士卒羸病襄子謂張孟談曰糧食匱城力盡士大夫病吾不能守矣欲以城下何如張孟談曰臣聞之亡不能存危不能安則無為貴知士也君釋此計勿復言也臣請見韓魏之君襄子曰諾張孟談於是陰見韓魏之君曰臣聞唇亡則齒寒今知伯帥二國之君伐趙趙亡矣亡則君為之次矣二君曰我知其然夫知伯為人也麤中而少親我謀未遂而知則其禍必至為之奈何張孟談曰謀出二君之口入臣之耳人莫之知也二君即與張孟談陰約三軍與之期日夜遣入晉陽張孟談以報襄子襄子再拜之張孟談因

朝知伯而出遇知過 一云云 知果 韓門之外知過入見知伯

曰二主殆將有變君曰何如對曰臣遇張孟談於韓門之外其志矜其行高知伯曰不然吾與二主約謹矣破趙三分其地寡人所親之必不欺也子釋之勿出於口知過出見二主人說知伯曰二主色動而意變必背君不如令殺之知伯曰兵著晉陽三年矣旦暮當拔之而嚮其利乃有他心不可子慎勿復言知過曰不殺則遂親之知伯曰親之奈何知過曰魏宣子之謀臣曰趙葭韓康子之謀臣曰段規是皆能移其君之計君其與二君約破趙則封二子者各萬家



之縣一如是則二主之心可不變而君得其所欲矣
知伯曰破趙而分其地又封二子者萬家之縣一則
吾所得者少不可知過見君之不用也言之不聽出
更其姓爲輔氏遂去不見張孟談聞之入見襄子曰
臣遇知過於轅門之外其視有疑臣之心入見知伯
出更其姓今暮不擊必後之矣襄子曰諾使張孟談
見韓魏之君曰夜期教守堤之吏而決水灌知伯軍
知伯軍救水而亂韓魏翼而擊之襄子將卒犯其前
大敗知伯軍而擒知伯知伯身死國亡地分爲三而
天下笑此貪欲無厭也夫不聽知過亦所以亡也知

氏盡滅惟輔氏存焉三晉已破知氏將分其地段規
謂韓王曰分地必取成臯韓王曰成臯石溜之地也
寡人無所用之段規曰不然臣聞一里之厚而動千
里之權者地利也萬人之衆而破三軍者不意也王
用臣言則韓必取鄭矣王曰善東取成臯至韓之取
鄭也果從成臯

册府元龜

册府元龜

陪臣部

卷之七百三十五

二十六

智識四
早

册府元龜

淮南李嗣京叅閱

西極文翔鳳訂正

豫章黃國琦較釋

陪臣部

七百三十六

智謀

傳云智者利人又云咨難曰謀蓋智以興利謀以紓
難者古之道也春秋之世下逮戰國諸侯競取其霸
大夫各圖其功故有處重臣之列負先見之明考幾
微極思慮畫經久之畧獻康濟之謀詭辭以濟禍亂

重幣以誤仇敵或兵車之既會金鼓之既陳辨盟載之義決勝負之策飾之以文辭潤之以禮樂足以聳服諸夏光啓邦家若其合從連衡構怨速禍專任喉舌遐棄二刑者蓋不足稱焉

管子名夷吾字敬仲齊大夫也桓公問於管仲曰楚者山東之強國也其人民習戰鬥之道舉兵伐之恐力不能過兵弊於楚功不成於周爲之柰何管子對曰卽以戰鬥之道與之矣曰何謂也管子對曰公貴買其鹿桓公卽爲百里之域使人之楚買生鹿楚生鹿當一而八萬管子卽令桓公與民通輕重藏穀什

之而六令左司馬伯公將白徒而鑄錢於莊山令中大夫王邑載錢二千萬求生鹿於楚楚王告其相曰彼金錢人之所重也國之所以存明主之所以賞有功禽獸者群害也明主之所棄逐也今齊以重寶貴買吾群害則是楚之福也天且以齊私楚也子舌吾民急求生鹿以盡齊之寶楚民卽釋其耕農而田鹿管仲告楚之賈人曰予爲我致生鹿二十賜子金百斤什至而金千斤也則是楚不賦於民而財用足也楚之男子居外女子居涂隰朋殺民藏粟伍倍楚以生鹿藏錢伍倍管子曰楚可下矣公曰柰何管子對

曰楚錢伍倍其君且自得而修穀錢伍倍是楚強也桓公諾因令人閉關不與楚通使楚王果自得而修穀穀不可三月而得也楚糴四百齊因令人載粟處芊之南楚人降齊者十分之四三年而楚服桓公又曰寡人欲西朝天子而賀獻不足爲此有數乎管子對曰請以令城陰里使其牆三重而門九襲因使玉人刻石而爲璧尺者萬泉八寸者八千七寸者七千珪中四千瑗中五百璧之數已具管子西見天子曰敝邑之君欲率諸侯而朝先王之廟觀於周室請以令使天下諸侯朝先王之廟觀於周室者不得不以

彤弓石璧不以彤弓石璧者不得入朝天子許之曰諾號令於天下諸侯載黃金珠玉五穀文采布帛輸齊以收石璧流而之天下財物流而之齊故國八歲而無藉陰里之謀也桓公又曰寡人多務令衡籍吾國之富商蓄賈稱貸家以利吾貧萌農夫不失其本事反此有道乎管子對曰惟反之以號令爲可耳桓公曰行事奈何管子對曰請使賓胥無馳而南隰朋馳而北甯戚馳而東鮑叔馳而西四子之行定夷吾請號令謂四子日子能爲我君視四方稱貸之間其受息之萌幾何于家以報吾鮑叔馳而西反報曰西

方之萌者帶濟負河沮澤之萌也漁獵取薪蒸而爲食其稱貸之家多者千鍾少者六七百鍾其出之鍾也一鍾其受息之萌九百餘家賓胥無馳而南反報曰南方之萌者山居谷處登降之萌也上斷輪軸下采杼粟田獵而爲食其稱貸之家多者千萬少者六七百萬其出之中伯伍也其受息之萌八百餘家寧戚馳而東反報曰東方之萌帶山負海若處上斷福漁獵之萌也治葛縷而食爲其稱貸之家丁惠高國多者五千鍾少者三千鍾其出之中鍾五釜也其受息之萌八九百家隰朋馳而北反報曰北方之萌者

衍處負海者煮涕爲鹽梁濟取漁之萌也薪食其稱貸之家多者千萬少者六七百萬其出之中伯二十也受息之萌九百餘家凡稱貸之家出泉三千萬出粟三數千萬鍾受子息民三萬家四子已報管子曰不棄我君之有萌中一國而五君之正也然欲國之無貧兵之無弱安可得哉桓公曰爲此有道乎管子曰惟反之以號令爲可耳諸以令賀獻者皆以鑿枝蘭鼓則必坐長什倍其本矣君之棧臺之職以坐長什倍請以令召稱貸之家若固酌之酒太宰行觴桓公舉衣而問曰寡人多務令衡藉吾國聞子之假貸吾

貧萌使有以終其上令寡人有鑿枝蘭鼓其賈中純
 萬泉也願以為吾貧萌決其子息之數使無券契之
 責稱貸之家皆齊首而稽顙曰君之憂萌至於此請
 再拜以獻堂下桓公曰不可子使吾萌春有以傳邦
 夏有以決芸寡人之德子無所寵若此而不受寡人
 不得於心故稱貸之家曰皆再拜受所出棧臺之職
 未能參千純也而決四方子息之數使無券契之責
 四方之萌聞之父教其子兄教其弟曰夫墾田發務
 上之所急可以無庶乎君之憂我至於此此之謂反
 準管子曰昔者癸度居人之國必四面望於天下天

下高亦高天下高我獨下必失其國於天下桓公曰
 此若言曷謂也管子對曰昔萊人善染陳莖之於純
 錙綱綬之於萊亦純錙也其周中十金萊人知之聞
 綦莖空周且歛馬作見於萊人操之萊有推馬是自
 萊失綦莖而反準於馬也故可因者因之乘者乘之
 此因天下以制天下此之謂國準桓公又曰寡人以
 定三君之居處矣三君祀邢衛今又何將行管子對曰臣
 聞諸侯貪于利勿與分于利君何不發虎豹之皮文
 錦以使諸侯令諸侯以縵帛鹿皮報桓公曰諾於是
 以虎豹皮文錦使諸侯諸侯以縵帛鹿皮報則令因

始行於天下矣又桓公曰仲父何不遂交楚哉管子
 對曰不可楚人攻宋鄭燒燬燻焚鄭地使城壞者不
 得復築也屋之燒者不得復葺也令人有喪雌雄居
 屋如鳥鼠處穴要宋田夾塞兩川使水不得東流東
 山之西水淺滅垝四面百里而後可田也楚欲吞宋
 鄭思人衆兵強而能害已者必齊也是欲以文克齊
 以寶幣賂齊而齊自服故曰以文克齊而以武取宋鄭也楚取宋鄭而
 不正禁是失宋鄭也禁之則是又不信于楚也知困
 於內兵困於外非善舉也桓公曰善然則若何管子
 對曰請興兵而南存宋鄭而令曰無攻楚言與楚王

遇

冬會
日遇

至於遇上而以鄭城與宋水為請楚若許則
 是我以文令也楚若不許則遂以武令焉桓公曰善
 于是遂興兵而南存宋鄭與楚王遇于召陵之上而
 令于遇上曰無貯粟無曲堤無擅廢適子無置妾以
 為妻因以鄭城與宋水為請于楚楚人不許遂退七
 里而舍使軍人城鄭南之城立百代城焉取其雖百
代而無敢
毀者曰自此而北至于河者鄭自城之而楚不敢隳也
 東發宋田夾兩川使水復東流而楚不敢塞也遂南
 伐及踰方城濟于汝水望文山文音岷
山江水所從出南致楚
 越之君而西伐秦北伐狄東存晉君于南自伐秦而
自存晉於

晉之南故
 日東存
 北伐孤竹還存燕山兵車之會六乘車之
 會三九合諸侯反位為已霸修鐘磬而復樂管子曰
 此臣之所謂樂也又桓公問於管子曰代國之出何
 有管子對曰代之出狐白之皮公其貴賤之管子曰
 狐白應陰陽之變六月而一見公貴買之代人忘其
 難得喜其貴賈必相率而求之則是齊金錢不必出
 代民必去其本而居山林之中離枝聞之必侵其
 北離枝侵其北代必歸於齊公其令齊載金錢而往
 桓公曰諾即令中大夫王師北將人徒載金錢之代
 谷之上求狐白之皮代王聞之即告其相曰代之所

以弱於離枝者以無金錢也今齊乃以金錢求狐白
 之皮是代之福也子悉令民求狐白之皮以致齊之
 幣寡人將以來離枝之民代人果去其本處山林之
 中求狐白之皮二十四月而不得一離枝聞之則侵
 其北代王聞之大恐則將其士卒保於代谷之上離
 枝遂侵其谷王即將其士卒願以下齊齊未亡一錢
 幣使修三年而代服桓公又問於管子曰吾欲制衡
 山之術為之柰何管子曰公其令人貴買衡山之械
 器而賣之燕代必從公而買之秦趙聞之必與公爭
 之衡山之械器必倍其賈天下爭之衡山械器必十

倍以上公曰諾因令人之衡山求買械噐不敢辨其
 賈齊修械噐於衡山十月燕代聞之果令人之衡山
 求買械噐燕代修三月秦國聞之果令人之衡山求
 買械噐衡山之君告其相曰天下爭吾械噐令其賈
 再什以上衡山之民釋其本修械噐之巧齊卽令隰
 朋漕粟於趙趙糴十五隰朋取之石五十天下聞之
 載粟而之齊齊修械噐十七月修糴五月卽閉關不
 與衡山通使燕代秦趙卽引其使而歸衡山械噐盡
 魯削衡山之南齊削衡山之北內自量無械噐以應
 二敵卽奉國而歸齊矣又桓公問曰夫軍令則寄諸

內政矣齊國寡甲兵爲之若何管子對曰輕過而移

諸甲兵制重罪贖以犀甲一戟重罪死罪犀犀皮可爲甲戟車戟也祕長

丈六 輕罪贖以鞮盾一戟輕罪劓刑之屬鞮盾綴華有文如鞮小罪謫

以金分小罪不入五刑者以金贖有分兩之有間罪

宥赦也間罪刑罰之疑者尚書曰五刑之疑有赦 索訟者三禁而不可上下

生成以束矢索求也求訟者之情三禁禁之三日使審實其辭不可上下辭定不可移也坐

成獄訟之坐已成也十二矢爲束矢取往而不美金

友周禮以兩造禁民訟入束矢于朝然後聽之 以鑄戟劍鑄試諸狗馬狗馬難爲利者惡金以鑄鉏夷斤搗

也惡粗夷平也所以削草平地也斤形似鉏而小搗斫也試諸壤土則甲兵大足

王繆秦繆公內史也戎將由余使秦秦繆公問之得失之要對曰古有國者未嘗不以恭儉也失國者未嘗不以驕奢也由余因論五帝三王之所以衰及至布衣之士所以亡繆公然之於是告王繆曰鄰國有聖人敵國之憂也由余聖人也將奈之何王繆曰夫戎王居僻陋之地未嘗見中國之聲色也君遺之女樂以媾其志亂其政其臣下必踈因為由余請緩期使其君臣有間然後可圖繆公曰善乃使王繆以女樂二列遺戎王為由余請緩期戎王大悅許之於是張酒聽樂日夜不休終歲媾縱牛馬多死由余歸數

諫不聽去之秦繆公迎拜之上卿遂以并國十二辟

地千里

又云秦繆公見由余悅而欲留之由余不肯繆公以告蹇叔曰君以告史廖廖曰戎人不

達于五音與五味君不若遺之繆公以女樂二人與良宰遺之宰謂膳宰戎王喜迷惑大亂飲酒晝夜不休由余驟諫而不聽因怒而歸

屈瑕楚莫敖也楚伐絞軍其南門屈瑕曰絞小而輕

輕則寡謀請無扞采樵者以誘之

扞衛也 樵薪也

從之絞人

獲三十人

獲楚人也

明日絞人爭出驅楚役徒于山中楚

人坐其北門而覆諸山下

坐猶守也 覆設伏兵而待之

大敗之為

城下之盟而還

公孫偃魯大夫也齊師宋師伐魯次于郎公孫偃曰

大敗宋師于乘丘齊師乃還

宋師不整可敗也宋敗齊必還請擊之魯莊公弗許自雩門竊出蒙臯比而先犯之雩門魯南城門臯比虎皮公從之

大敗宋師于乘丘齊師乃還

鬬廉楚大夫也屈瑕將盟貳軫貳軫二國名鄭人軍于蒲

騷將與隋絞州蓼伐楚師鄭國在江夏雲杜縣東南有鄭城蒲騷鄭邑絞國名

關廉日鄭人軍其郊必不誠且日虞四邑之至也虞度

也四邑隨君次于郊郢以禦四邑若謂屈瑕也我以

銳師宵加于鄭鄭有虞心而恃其城特近其城莫有關志

若敗鄭師四邑必離莫敖日盍請濟師於王盍何不也濟益

也對日師克在和不在眾商周之不敵君之所聞也

商紂也周武王也傳日武王有亂臣十人紂有億兆夷人成軍以出又何濟焉莫

敖日卜之對日卜以決疑不疑何卜遂敗鄭師于蒲

騷卒盟而還

荀息晉大夫也晉獻公欲伐虢荀息日君何不以屈

產之乘垂棘之璧而借道乎虞也荀息晉大夫屈邑產駿馬垂棘出良

璧公日此晉國之寶也如受吾幣而不借吾道則如

之何荀日此小國之所以事大國也此謂璧馬之屬彼不借

吾道必不敢受吾幣如受吾幣而借吾道則是我取

之中府而藏之外府取之中廐而置之外廐也公日

冊符元龜陪臣部

十

宮之奇存焉

宮之奇虞之賢大夫

必不使受也荀息曰宮之奇

之為人也達心而懦

懦弱

又少長於君達心則其言畧

明達之人言則舉綱領要不

言提其耳則愚者不悟也懦則不能彊諫少長於

君則君輕之且夫玩在耳目之前而患在一國之後

此中知以上乃能慮之臣料虞公中知以下也公遂

借道而伐虢宮之奇諫曰晉國之使者其辭卑而幣

重必不便於虞虞公弗聽遂受其幣而借之道宮之

奇諫曰語曰唇亡則齒寒其斯之謂與

語諺語也

挈其妻

子以奔曹獻公亡虢五年而後舉虞荀息牽馬操璧

而前曰璧則猶是也而馬齒加長矣

猶是言如故

先軫晉大夫也楚伐宋宋人使門尹般如晉師告惡

門尹般宋大夫

公曰宋人告惡舍之則絕

與晉絕

告楚不許我

欲戰矣齊秦未可若之何

未肯戰

先軫曰使宋舍我而

賂齊秦

求救於齊秦

藉之告楚

假借齊秦使為宋請

我執曹君而分

曹衛之田以賜宋人楚愛曹衛必不許也

不許齊喜秦之請

賂怒頑能無戰乎

言齊秦喜得宋賂而怒楚之頑必自戰也不可告請故曰頑

公

悅執曹伯分曹衛之田以畀宋人楚子使子玉去宋

子玉使宛春告於晉師曰請復衛侯而封曹臣亦釋

宋之圍

衛侯未出境曹伯見執在宋已失位故言復衛封曹

子犯曰子玉無禮

哉君取一臣取二

君取一以釋宋圍惠晉侯臣取二復曹衛為已功

不可失

矣言可先軫日子與之定人之謂禮楚一言而定三

國我一言而亡之我則無禮何以戰乎不許楚言是

棄宋也救而棄之謂諸侯何言將為諸侯所怪楚有三施我

有三怨怨讎已多將何以戰不如私復曹衛以攜之

私許二國使告絕于楚而後復之攜離也執宛春以怒楚既戰而後圖之

須勝負決乃定計公悅乃拘宛春於衛且私許復曹衛曹衛

告絕于楚子玉怒從晉師晉師退軍吏日以君辟臣

辱也且楚師老矣何故退子犯曰師直為壯曲為老

豈在久乎微楚之惠不及此重耳過楚楚成王有贈送之禮退三舍

辟之所以報也一舍三十里初楚子云若返國何以報我故退三舍以報背惠食

言以充其讎充猶當也讎謂楚也我曲楚直其眾素飽不可謂

老有氣盈飽我退而楚還我將何求若其不還君退臣犯

曲在彼矣退三舍楚眾欲止子玉不可戰於莘北楚

師敗績

狐偃晉大夫也楚子及諸侯圍宋宋公孫固如晉告

急公孫固宋莊公孫先軫日報施救患取威定霸於是乎在

矣先軫晉下軍之佐原軫也報宋贈馬之施狐偃曰楚始得曹而新昏於

衛若伐曹衛楚必救之則齊宋免矣楚圍宋宋復告急于晉晉文公

欲救則攻楚謂楚嘗有德不欲伐也欲釋宋宋又嘗有德于晉晉患之先軫曰執曹伯分曹衛地以與宋

楚急曹衛其勢宜釋宋於是文公從之而楚成王乃引兵歸

師叔楚大夫潘廔也楚伐庸自廔以往振廩同食往

伐庸也振發也廩倉也次于句瀝楚西界也使廔戡黎侵

庸戡黎廔大夫及庸方城方城庸地上庸縣東有方城亭庸人逐之囚子

楊窻窻戡黎官屬三宿而逸曰庸師衆群蠻聚焉不如復

大師還復差師句且起王卒合而後進師叔曰不可姑又

與之遇以驕之彼驕我怒而後可克先君蚡冒所以

服陘隰也蚡冒楚武王陘隰地名也乃與之遇七遇皆北軍走日北惟

裨儵魚人實逐之裨儵庸之邑魚復今巴東永安縣輕楚故但使三邑人逐之庸

人曰楚不足與戰矣遂不設備楚子乘驛會師於臨

品驛傳車也臨品地名分爲二隊隊部也兩道攻之子越自石溪子具

自仞以伐庸子越關椒也石溪仞皆庸道秦人巴人從楚師群蠻

從楚子盟蠻見楚強故遂滅庸

公孫申鄭大夫也晉人執鄭伯鄭人圍許公孫申謀

之曰我出師以圍許示不爲將改立君者而紆晉使

紆緩也勿亟遣使詣晉必歸君明年晉歸鄭伯

仲孫獲魯大夫孟獻子也襄公二年秋會晉荀罃宋

華元衛孫林父曹人邾人于戚謀鄭故也鄭久叛晉謀計也

孟獻子曰請城虎牢以偪鄭虎牢舊鄭邑今屬晉知武子曰善

鄭之會吾子聞崔子之言今不來矣元年孟獻子與齊崔杼次于鄭

崔杼有不服晉之言獻子以告武子滕薛小却之不至皆齊故也三國齊之

智謀

屬寡君之憂不惟鄭言復憂齊叛營將復於寡君而請于

齊以城事白晉君而請會之欲以觀其志得請而告吾子之功也得請謂齊

人應命告諸侯會築虎牢城虎牢足以服鄭息征伐若不得請事將在齊將伐齊吾子之請諸

侯之福也傳言荀瑩能用善謀豈惟寡君賴之冬

復會于戚齊崔武子及滕薛小邾之大夫皆會知武

子之言故也武子言吾事將在齊齊人懼帥小國而會之遂城虎牢鄭人

乃成如獻子之謀

慶虎陳大夫也楚子囊圍陳諸侯會陳侯于鄆以救

之晉會諸侯陳侯患楚楚圍陳故慶虎慶寅謂楚人曰吾使公

孫黃往而執之二慶陳執政大夫公子黃哀公弟楚人從之為執一

慶使告陳侯于會鄆之會曰楚人執公子黃矣君若不

來群臣不忍社稷宗廟懼有二圖皆君屬楚陳侯逃歸

知武子晉大夫也諸侯伐鄭鄭人恐乃行成與晉成也中

行獻子曰遂圍之以待楚人之救也而與之戰不然

無成獻子荀偃也恐楚救鄭鄭復屬之知武子曰許之盟而還師以

敵楚人敵罷也吾三分四軍分四軍為三部與諸侯之銳以逆

來者來者楚也於我未病楚不能矣晉各一動而楚三來故曰不能猶愈

於戰勝聚戰暴骨以逞不可以爭言爭當以謀不可以暴骨大勞未

艾君子勞心小人勞力先王之制也艾惡也言當從勞心之勞諸

侯皆不欲戰乃許鄭成

册守元龜 陪臣部 卷之三十三 十四

城廂元凱 智謀 卷之七十三

子展鄭大夫也鄭人患晉楚之故諸大夫曰不從晉

國幾亡也幾近也楚弱於晉晉不吾疾也疾急也晉疾楚將

辟之何為而使晉師致死於我言當作何計楚弗敢敵而

後可固與也固與晉也子展曰與宋為惡諸侯必至吾從

之盟楚師至吾又從之則晉怒甚矣晉能驟來楚將

不能乃固與晉大夫說之使疆場之司惡於宋使守疆場

之吏侵犯宋宋向戌侵鄭大獲子展曰師而伐宋可矣若

我伐宋諸侯之伐我必疾吾乃聽命焉且告於楚楚

師至吾又與之盟而重賂晉師乃免矣言如此乃免於晉楚之難

子展侵宋欲以致諸侯諸侯伐鄭齊太子光宋向戌先至

於鄭門於東門其莫晉荀罃至于西郊東侵舊許許之

舊國鄭新邑衛孫林父侵其北鄙諸侯會于北林師于向

向地在潁川長住縣東北右還次于瑣此行而西為右還榮陽宛陵縣西有瑣侯亭圍

鄭觀兵于南門觀示也西濟于濟隧濟隧水名鄭人懼乃行

成

荀偃晉大夫中行獻子也衛侯出奔衛人立公孫剽

晉侯問衛故於中行獻子問衛逐君當討否對曰不如因而

定之衛有君矣謂剽已立伐之未可以得志而勤諸侯史

佚有言曰因重而撫之重不可移就撫安之仲虺有言曰亡者

侮之亂者取之推亡固存國之道也仲虺湯左相君其定

丹行元龜 陪臣部 卷之七十三 十五

衛以待時乎

待其昏亂之時乃伐之

冬會於戚謀定衛也

定立

樂王鮒晉大夫桓子也晉樂盈帥曲沃之甲因魏獻

子以晝入絳

獻子魏舒絳晉國都

初樂盈佐魏莊子於下軍

莊子

魏絳獻子之父

獻子私焉故因之

私相親愛

趙氏以原舛之難怨

樂氏

成八年莊姻諧之樂欲為徵

韓趙方睦

韓起讓趙武故和睦

中行氏以

伐秦之役怨樂氏

十四年晉伐秦樂壓違荀偃命曰余馬首欲東

而固與范

氏和親

范宣中行偃子佐于中軍

知悼子少而聽於中行氏

悼子盈也

知罃之子荀氏中行氏同少年十七知祖故相聽從

程鄭嬖於公

鄭亦荀氏宗

惟魏

氏及七輿大夫與之

七輿官名

樂王鮒侍坐于范宣子或

告曰樂氏至矣宣子懼桓子曰奉君以走固宮必無

害也且樂氏多怨子為政樂氏自外子在內其利多

矣既有利權又執民柄

賞罰為民柄

將何懼焉樂氏所得

其惟魏氏乎而可強取也夫克亂在權子無懈矣公

有姻喪

夫人有把喪

王鮒使宣子墨綰冒經

晉自殺戰還送管墨王

二婦人輦以如公

恐樂氏有內應拒之故為婦人服而進

奉公以如固

宮

固宮官之有室官備守者

叔孫豹魯大夫穆叔也襄公在楚楚康王卒楚人使

公親襚

望侯有遣使賜襚之禮今楚欲依遣使之禮

公患之穆叔曰被殯

而襚則布幣也

先使巫殺除殯之凶而行襚禮與朝而布幣無異

乃使巫以

桃茢先被殯楚人弗禁既而悔之

厨人濮宋厨邑大夫也華登以吳師救華氏登二年奔吳

齊烏枝鳴戍宋烏枝鳴齊大夫厨人濮曰軍志有之先有奪

人之心後人有待其衰盍及其勞且未定也伐諸若

入而固則華氏衆矣悔無及也從之齊師宋師敗吳

師于鴻口獲其二帥公子若雉偃州員

冀芮晉大夫也晉獻公二十三年遂發買華等伐屈

賈華晉右行大夫屈潰夷吾將翟冀芮曰不可重耳已在矣

今往晉必移兵伐翟翟畏晉禍且及不如走梁梁近

於秦秦強吾君百歲後可以求入焉遂奔梁二十五

年晉伐翟翟以重耳故亦擊晉於齒桑翟地晉兵解而

去晉既殺夫齊卓子秦穆使公子繫弔公子重耳重

耳再拜不稽首起而哭退而不私繫退弔公子夷吾

于梁如弔重耳之命夷吾告冀芮曰秦人勤我矣冀

芮曰公子勉之乎亡人無狷潔狷潔不行重賂配德

公子盡之無愛財人實有之我以微幸不亦可乎夷

吾出見使者再拜稽首而不哭退而私於公子繫曰

中大夫里克與我矣吾命之以汾陽之田百萬丕鄭

與我矣吾命之以負蔡之田七十萬君苟輔我獲天

命矣吾必遂矣亡人苟入掃除宗廟定社稷亡人何

國之與有君實有郡縣且入河外列城五豈謂君無

冊守元龜 陪臣部 卷之三十三 十七

有亦爲君之東游津之上無有難急也亡人之所懷
挾纓瓌以望君之塵垢者黃金四十鎰白玉之珩六
雙不敢當公子請納之左右公子繫反致命穆公曰
吾與公子重耳重耳仁再拜不稽首不敢爲後也起
而哭愛其父也退而不私不沒於利也公子繫曰君
之言過矣君若求置晉君而戴之置仁不亦宜乎君
若求置晉君以成名於天下則不如置不仁以滑其
中且可以進退臣聞之仁有置德武有置仁仁置德
武置服是故先置公子夷吾寔爲惠公穆公問冀芮
曰公子誰恃於晉國對曰臣聞之亡人無黨有黨必

有讎夷吾之少也不好弄戲不過所復怒不及色及
其長也弗改是故出亡亦無惡於國而衆安之不然
夷吾不佞其誰能恃君子曰善以徵勸

張孟談趙臣也知伯帥趙魏而伐范中行氏滅之休
數年使人請地於韓韓康子欲勿與段規諫曰不可
夫知伯之爲人也好利而鷙復來請地不與必加兵
於韓矣君其與之與之彼徂又將請於他國他國不
與必鄉之以兵然則韓可以免於患難而待事之變
康子曰善使使者致萬家之邑一於知伯知伯悅又
使人請地於魏魏宣子欲勿與趙葭諫曰彼請地於

韓韓與之請地於魏魏弗與則是魏內自強而外怒知伯也然則其錯兵於魏必矣不如與之宣子曰諾因使人致萬家之邑一於知伯知伯悅又使人之趙請蔡臯狼之地趙襄子弗與知伯因陰結韓魏將以伐趙趙襄子召張孟談而告之曰夫知伯之爲人陽親而陰踈三使韓魏而寡人弗與焉其移兵寡人必矣今吾安居而可張孟談曰夫董闕安于簡子之才臣也世治晉陽而尹鐸循之其餘政教猶存其定居晉陽君曰諾乃使延陵君將車騎先之晉陽君因從之至行城郭案府庫視倉廩召張孟談曰吾城郭之

完府庫足用倉廩實矣無矢奈何張孟談曰臣聞董子之治晉陽公宮之垣皆以狄蒿苦楚廬之其高至丈若發而用之於是發而試之其堅則箇籥之勁不能過也君曰矢足矣吾銅少張孟談曰臣聞董子之治晉陽也公宮之室皆以鍊銅爲柱質請發而用之則有餘銅矣君曰善號令以定備守以具三國之兵乘晉陽城遂戰三月不能拔因紆軍而圍之決晉水而灌之圍晉陽三年城中巢居而處懸釜而炊財食將盡士卒羸病襄子謂張孟談曰糧食匱城力盡士大夫病吾不能守矣欲以城下何如張孟談曰臣聞

之亡不能存危不能安則無為貴知士也君釋此計
 勿復言也臣請見韓魏之君襄子曰諾張孟談於是
 陰見韓魏之君曰臣聞唇亡則齒寒今知伯帥二國
 之君伐趙趙亡矣亡則君為之次矣二君曰我知其
 然矣夫知伯之為人也鹿中而少親我謀而知則禍
 必至為之奈何張孟談曰謀出二君之口入臣之耳
 人莫之知也二君即與張孟談陰約三軍與之期日
 夜遣入晉陽張孟談以報襄子襄子再拜之張孟談
 因朝知伯而出遇知過一云知果轅門之外知過入見知
 伯曰二主殆將有變君曰何如對曰臣遇張孟談於

轅門之外其志矜其行高知伯曰不然吾與二主約
 謹矣破趙三分其地寡人所親之必不欺也子釋之
 勿出諸口知過出見二主入說知伯曰二子色動而
 意變必背君不如令殺之知伯曰兵著晉陽三年矣
 旦暮當拔之而嚮其利乃有他心不可子慎勿復言
 知過曰不殺則遂親之知伯曰親之奈何知過曰魏
 宣子之謀臣曰趙葭韓康子之謀臣曰段規是皆能
 移其君之許君其與二君約破趙則封二子者各萬
 家之縣一如是則二主之心不可變而君得所欲
 矣知伯曰破趙而三分其地又封二子者則吾所得

者少不可知過見君之不用也言之不聽出更其姓
 為輔氏遂去不見張孟談聞之入見襄子曰臣遇知
 過於轅門之外其視有疑臣之心入見知伯出更其
 姓今暮不擊必後之矣襄子曰諾使張孟談見韓魏
 之君日夜期教守堤之吏而決水灌知伯軍救水而
 亂韓魏翼而擊之襄子將卒犯其前大敗知伯軍而
 禽知伯知氏盡滅惟輔氏存焉

段規韓臣也三晉已破知氏將分其地段規謂韓王
 曰分地必取成臯韓王曰成臯石溜之地也寡人無
 所用之段規曰不然臣聞一里之厚而動千里之權
 者地利也萬人之衆而破三軍者不意也王用臣言
 則韓必鄭矣王曰善果取成臯至韓之取重也果從
 成臯

伍員事吳吳子問於伍員曰初而言伐楚余知其可
 也而恐其使余往也又惡人之有余之功也今余將
 自有之矣伐楚何如對曰楚執政衆而乖莫適任患
 若為三師以肄焉肄猶勞也一師至彼必皆出彼出則歸
 彼歸則出楚必道罷敝于道亟肄以罷之亟數也多方以
 誤之既罷而後以三軍繼之必大克之闔廬從之楚
 於是乎始病

文種越大夫也吳王夫差起師伐越越王勾踐起師
逆之江大夫種乃獻謀曰夫吳之與越惟天所授王
其無庸戰夫申胥華登簡服吳國之士於甲兵而未
嘗有所挫也一人善射百夫決拾勝未可成也夫謀
必素見成事焉而後履之不可以授命王不如設戎
約辭行成以喜其民以廣終吳王之心吾以卜之於
天天若棄吳必許吾成而不吾足也將必寬然有伯
諸侯之心焉既罷弊其民而天奪之食安受其燼乃
無有命矣越王許諾乃令諸稽郢行成于吳曰寡君
勾踐使下臣郢不敢顯然布幣行禮敢私告於下執

事曰昔者越國見禍得罪於天王天王親舉玉趾以
心孤勾踐而又赦宥之君王之於越也繫起死人而
肉白骨也孤不敢忘天災其敢忘君王之大賜乎今
句踐申禍無良草鄙之人敢忘天王之大德而思邊
垂之小怨以重得罪於下執事句踐用帥二三之老
親任重罪項顙於邊今君王不察盛怒屬兵將殘伐
越國越國固貢獻之邑也君王不以鞭箠使之而辱
軍士使寇令焉句踐請盟一介嫡女執箕帚以咳姓
於王宮一介嫡男奉盤匱以隨諸御春秋貢獻不解
於王府天王豈辱裁之亦征諸侯之禮也夫諺曰狐

埋之而狐搢之是以無成功今天王既封殖越國以名聞於天下而又刈亡之是天王之無成勞也雖四方之諸侯則何實之以事吳敢使下臣盡辭惟天王秉利度義焉吳王夫差乃許越成

范蠡越大夫也越國大饑

穀不熟

王恐召范蠡而謀之

蠡曰王何患焉今之饑此越國之福而吳之禍也夫

吳國甚富而財有餘其王年少智寡剽輕好須臾之

名不思後患

其王吳王夫差

王若重幣卑辭以請糴於吳則

食可得也

王越王勾踐也

食得其糴越必有吳而王何患焉

得其糴終必得吳國王何憂焉

王曰善乃使人請食於吳王將與之

伍子胥諫曰不可與也夫吳之與越接土鄰境道易

人通仇讎敵國也非吳喪越越必喪吳若燕秦齊魯

山處陸居豈能踰五湖九江越十七陂以有吳哉

踰渡

也越歷也陂險難也

故曰非吳喪越越必喪吳今將輸之粟與

之食是長吾讎而養吾死也財匱而民怨悔無及也

不若勿與而攻之固其數也

數術也

此者吾先王之所

以霸且天饑代事也

先王闔閭也代更也

猶淵之與陂誰國無

有吳王曰不然吾聞之義兵不攻服仁者食餓餓今

服而攻之非義兵餓而不食非仁者不仁不義雖得

十越吾不為也遂與之不出三年而吳亦餓使人請

食於越越王弗與乃攻之夫差爲禽
陳軫與張儀俱事秦惠王皆貴重爭寵軫奔楚楚未
之重也而使陳軫使於秦過梁欲見犀首犀首謝弗
見軫曰吾爲事來公不見軫軫將行不得待異日犀
首見之陳軫曰公何好飲也犀首曰無事也曰吾請
令公饜事可乎曰奈何曰田需約諸侯從親楚王疑
之未信也公謂於王曰臣與燕趙之王有故數使人
來曰無事何不相見願謁行於王王雖許公公請勿
多車以率三十乘可陳之於庭明言之燕趙燕趙客
聞之馳車告其王使人迎犀首楚王聞之大怒曰田

需與寡人約而犀首之燕趙是欺我也怒而不聽其
事齊聞犀首之北使人以事委焉犀首遂行三國相
事皆斷於犀首軫遂至秦韓魏相攻期年不解秦惠
王欲救之問於左右左右或曰救之便或曰勿救便
惠王未能爲之決陳軫適至秦惠王曰子去寡人之
楚亦思寡人不陳軫對曰王聞夫越人莊舄乎王曰
不聞曰越人莊舄仕楚執珪有頃而病楚王曰舄故
越之鄙細人也今仕楚執珪富貴矣亦思越不中謝
對曰凡人之思故在其病也彼思越則越聲不思越
則楚聲使人往聽之猶尚越聲也今臣雖棄逐之楚

豈能無秦聲哉惠王曰善今韓魏相攻期年不解或謂寡人救之便或曰勿救便寡人不能決願子爲子主計之餘爲寡人計之陳軫對曰亦嘗有以夫卞莊子刺虎聞於王者乎莊子欲刺虎館豎子止之曰兩虎方且食牛食甘必爭爭則必鬪鬪則大者傷小者死從傷而刺之一舉必有雙虎之名卞莊子以爲然立須之有頃兩虎果鬪大者傷小者死從傷者而刺之一舉果有雙虎之功今韓魏相攻期年不解是必大國傷小國死從傷而伐之一舉必有兩實此猶莊子刺虎之類也臣之與王何異也惠王曰善卒弗救大國果傷小國亡秦興兵而伐大尅之此陳軫之計也

張儀事秦惠王王欲發兵以伐蜀以爲道險狹難至而韓又來侵秦秦惠王欲先伐韓後伐蜀恐不利欲先伐蜀恐韓襲秦之敝猶豫未能決司馬錯與張儀爭論於惠王之前司馬錯欲伐蜀張儀曰不如伐韓王曰請聞其說儀曰親魏善楚下兵三川塞什谷之口徐廣曰一作尋城當屯留之道魏絕南陽楚臨南鄭秦攻新城宜陽以臨二周之郊誅周王之罪侵楚魏之地周自知不能救九鼎寶器必出據九鼎按圖

籍挾天子以令於天下天下莫敢不聽此王業也今夫蜀西僻之國而戎翟之倫也敝兵勞衆不足以成名得其地不足以爲利臣聞爭名者於朝爭利者於市今三川周室天下之朝市也而王不爭焉顧爭於戎翟去王業遠矣司馬錯曰不然臣聞之欲富國者務廣其地欲強兵者務富其民欲王者務博其德三資者備而王隨之矣今王地小民貧故臣願先從事於易夫蜀西僻之國也而戎翟之長也有桀紂之亂以秦攻之譬如使豺狼逐羣羊得其地足以廣國取其財足以富民繕兵不傷衆而彼已服焉拔一國而

天下不以爲暴利盡四海而天下不以爲貪是我一舉而名實附也而又有禁暴止亂之名今攻韓劫天子惡名也而未必利也又有不義之名而攻天下所不欲危矣臣請論其故周天下之周室也齊韓之與國也周自知失九鼎韓自知亡三川將二國并力合謀以因乎齊趙而求解乎楚魏以鼎與楚以地與魏王不能止也此臣之所謂危也不如伐蜀完惠王曰善寡人請聽子卒起兵伐蜀十月取之遂定蜀貶蜀王更號爲侯而使陳莊相蜀蜀旣屬秦秦以益強富厚輕諸侯儀又以商於六百里地詐楚懷王後秦要楚

欲得黔中地欲以武關外易之楚王曰不願易地願得張儀而獻黔中地秦王欲遣之口弗忍言張儀乃請行惠王曰彼楚王怒子之負以商於之地是且甘心於子張儀曰秦強楚弱臣善斬尚尚得事楚夫人鄭袖所言皆從且臣奉王之節使楚楚何敢加誅假令誅臣而為秦得黔中之地臣之上願遂使楚楚懷王至則囚張儀將殺之靳尚謂鄭袖曰秦王甚愛張儀而不欲出之今將以上庸之地六縣賂楚以美人聘楚以宮中善謳歌者為媵楚王重地尊秦秦女必貴而夫人斥矣不若為言而出之於是鄭袖日夜言

懷王曰人臣各為其主用今地未入秦秦使張儀來至重王王未有禮而殺張儀秦必大怒攻楚妾請子毋俱遷江南毋為秦所魚肉也懷王後悔赦張儀厚禮之如故

段干朋齊臣也魏惠王圍邯鄲趙求救於齊齊威王召大臣而謀曰救趙孰與勿救騶忌子曰不如勿救段干朋曰不救則不義且不利威王曰何也對曰夫魏氏并邯鄲其於齊何利哉且夫救趙而軍其郊是趙不伐而魏全也故不如南攻襄陵以弊魏邯鄲拔而乘魏之弊威王從其計

無忌魏公子也齊楚相約而攻魏秦昭王救之魏王以秦救之故欲親秦而伐韓以求故地無忌謂魏王曰秦與戎翟同俗有虎狼之心貪戾好利無信不識禮義德行苟有利焉不顧親戚兄弟若禽獸耳此天下之所識也非有所施厚積德也故太后母也而以憂死穰侯舅也功莫大焉而竟逐之兩弟無罪而再奪之國此親與戚若此而況於仇讎之國乎今王與秦共伐韓而益近秦患臣甚惑之而王不識則不明群臣莫以聞則不忠今韓氏以一女子奉一弱主內有大亂外交強秦魏之兵王以為不亡乎韓亡秦有

韓地與大梁鄰王以為安乎王欲得其故地今負強秦之親王以為利乎秦非無事之國也韓亡之後必將更事更事必就易與利就易與利必不伐楚與趙矣是何也夫越山踰河絕韓上黨而攻強趙是復關與之事秦必不為也若道河內倍鄴朝歌絕漳滏水與趙兵決於邯鄲之郊是知伯之禍也秦又不敢伐楚道涉山谷行三千里而攻鄆阨之塞楚之險塞也徐廣曰或以為今江夏鄆縣所行甚遠所攻甚難秦又不為也若道河外倍大梁右蔡左召陵與楚兵決陳郊秦又不敢故曰秦必不伐楚與趙矣又不攻衛與齊矣夫韓亡之後

兵出之日非魏無攻已秦固有懷茅在修武鄆縣有茅亭邢丘

在平城垓津以臨河內河內共汲必危汲縣屬河內有鄭

地成臯滎陽亦屬鄭得垣雍垣雍城在卷縣卷縣屬魏地卷縣又有長城經陽武到密者也

決熒澤水大梁大梁必亡王之使者出過而惡安陵

氏於秦召陵有安陵郡征秦之欲誅之久矣秦華陽

昆陽與舞陽鄰聽使者之惡之隨安陵氏而亡之繞

舞陽之北以東臨許南國必危國無害已夫憎韓不

愛安陵氏可也夫不患秦之不愛南國非也異日者

秦在河西晉國去梁千里魏國之界千里又云有河

山以闌之有周韓以間之從林鄉軍林鄉在宛縣以至於

今秦七攻魏五入圍中一作城中邊城盡拔文臺墮垂都

一云毘山都焚林木伐麋鹿盡而國繼以圍又長驅

梁北東至陶衛之郊北至平監平縣屬河南平或作千字史記齊闕止作

監字闕在東所亡於秦者山南山北河外河內大縣

數十一作百名都數百一作十秦乃在河西晉去梁千里

而禍若是矣又況於使秦無韓有鄭地無河山而闌

之無周韓而間之去大梁百里禍必繇此矣異日者

從之不成也楚魏疑而韓不可得也今韓受兵三年

秦撓之以講識亡不聽投質於趙請為天下雁行頓

刃楚趙必集兵皆識秦之欲無窮也非盡亡天下之



國而臣海內必不休矣是故臣願以從事王王速受
楚趙之約趙挾韓之質以存韓而求故地韓必効之
此士民不勞而故地得其功多於與秦共伐韓而又
免與疆秦鄰之禍也夫存韓魏而利天下此亦王之
天時已通韓上黨於共寧朝歌有使道安城出入賦
之是魏重質韓以其上黨也今有其賦足以富國韓
必德魏愛魏重魏畏魏韓必不敢反魏是韓則魏之
縣也魏得韓以為縣大梁河外必安矣今不存韓二
周安陵必危楚趙大破衛齊甚畏天下西鄉而馳秦
入朝而為臣不久矣

虞卿為趙上卿秦趙戰於長平趙不勝亡一都尉趙
王召樓昌與虞卿曰軍戰長平不勝尉復死復一作係寡
人使東甲而趨之何如樓昌曰無益也不如發重使
為媾古后切求虞卿曰昌言媾者以為不媾軍必破
也而制媾者在秦且王之論秦也欲破趙之軍乎不
邪王曰秦不遺餘力矣必且欲破趙軍虞卿曰王聽
臣發使出重寶以附楚魏楚魏欲得王之重寶必內
吾使趙使入楚魏秦必疑天下之合從且必恐如此
則媾乃可為也趙王不聽與平陽君為媾發鄭朱入
秦秦內之趙王召虞卿曰寡人使平陽君為媾於秦



秦已內鄭朱矣卿以爲奚如虞卿對曰王不得媾軍必破矣天下賀戰勝者皆在秦矣鄭朱貴人也入秦秦王與應侯必顯重以示天下楚魏以趙爲媾必不救王秦知天下不救王則媾不可得成也應侯果顯鄭朱以示天下賀戰勝者終不肯媾長平大敗遂圍邯鄲爲天下笑秦解邯鄲圍而趙王入朝使趙郝約事於秦割六縣而媾虞卿謂趙王曰秦之攻王也倦而歸乎王以其力尚能進愛王而弗攻乎王曰秦之攻我也不遺餘力矣必以倦而歸也虞卿曰秦以其力攻其所能取倦而歸王又以其力之所不能取以

送之是助秦自攻也來年秦復攻王王無救矣王以虞卿之言告趙郝趙郝曰虞卿誠能盡秦力之所至乎誠知秦力之所不能進此彈丸之地弗與秦來年復攻王王得無割其內而媾乎王曰請聽子割矣子能必使來年秦之不復攻我乎趙郝對曰此非臣之所敢任也他日三晉之交於秦相善也今秦善韓魏而攻王王之所以事秦必不如韓魏也今臣爲足下解負親之攻開關通幣於齊交韓魏至來年而王獨取攻於秦此王之所以事秦必在韓魏之後也此非臣之所敢任也王以告虞卿虞卿曰郝言不媾來年

秦復攻王王得無割其內而媾乎今媾郝又以不能必秦之不復攻也今雖割六城何益來年復攻又割其力之所不能取而媾此自盡之術也不如無媾秦雖善攻不能取六縣趙雖不能守終不失六城秦倦而歸兵必罷我以六城收天下以攻罷秦是我失之於天下而取償於秦也吾國尚利孰與坐而割地自弱以強秦哉今郝曰秦善韓魏而攻趙者必以爲韓魏不救趙也而王之軍必孤又以王之事秦不如韓魏也是使王歲以六城事秦也卽坐而城地盡來年秦復求割地王將與之乎弗與是棄前功而挑秦禍

也與之則無地以給之語曰強者善攻弱者不能守今坐而聽秦秦兵不弊而多得地是強秦而弱趙也以益強之秦而割愈弱之趙其計固不止矣且王之地有盡而秦之求無已以有盡之地而給無已之求其勢必無趙矣趙王計未定樓緩從秦來趙王與樓緩計之曰予秦地何如毋予孰若緩辭讓曰此非臣之所能知也王曰雖然試言公之私樓緩對曰王亦聞夫公甫文伯母乎公甫文伯仕於魯病死女子爲自殺於房中者二人其母聞之弗哭也其相室曰焉有子死而弗哭者乎其母曰孔子聖人也逐於魯而

是不隨也今死而婦人爲之自殺者二人若是者
 必其於長者薄而於婦人厚也故從母言之是爲賢
 母從妻言之是必不免爲如妻故其言一也言者異
 則人心變矣今臣新從秦來而言勿予則非計也言
 予之恐王以臣爲爲秦也故不敢對使臣得爲大王
 計不如予之王曰諾虞卿聞之入見王曰此飾說也
 王眷單勿予樓緩聞之往見王王又以虞卿之言告
 樓緩樓緩對曰不然虞卿得其一不得其二夫秦趙
 構難而天下皆說何也曰吾且因強而乘弱矣今趙
 兵困於秦天下之賀戰勝者則必盡在於秦矣故不

如亟割地爲和以疑天下而慰秦之心不然天下將
 因秦之強怒乘趙之弊瓜分之趙且亡矣何秦之圖
 乎故曰虞卿得其一不得其二願王以此決之勿復
 計也虞卿聞之往見王曰危哉樓子之所以爲秦者
 是愈疑天下而何慰秦之心哉獨不言其示天下弱
 乎且臣言勿予者非固勿予而已也秦索六城於王
 而王以六城賂齊齊秦之深讎也得王之六城并力
 西擊秦齊之聽王不待辭之畢也則是王失之於齊
 而取償於秦也而齊趙之深讎可以報矣而示天下
 有能爲也王以此發聲齊兵未窺於境臣見秦之重

賂至趙而反媾於王也從秦為媾韓魏聞之必盡重
 王重王必出重寶以先於王則是王一舉而結三國
 之親而與秦易道也趙王曰善則使虞卿東見齊王
 與之謀秦虞卿未返而秦使者已在趙矣樓緩聞之
 亡去趙於是封虞卿以一城虞卿又謂趙王曰人之
 情寧朝人寧朝於人乎趙王曰寧朝人耳何故寧朝
 於人虞卿曰夫魏為從主而違者范痤也今王能以
 百里之地君萬戶之都請殺范痤死則從事可移
 於趙趙王曰善乃使人以百里之地請殺范痤於魏
 魏主許諾使司空執范痤而未殺也痤獻書魏主曰

臣聞趙王以百里之地請殺痤之身也夫殺無罪痤
 薄故也而得百里之地大利也臣竊為大王美之雖
 然而有一焉百里之地大可得而死者不可復生也
 則王必為天下笑也臣竊以為與其死人市不若以
 生人市便也又遺其後相信陵君一作信安君書曰夫趙
 魏敵戰之國也趙王以咫尺之書來而魏王輕為之
 殺無罪之痤雖不肖故魏之免相也嘗以魏之故
 得罪於趙夫國內無用臣外雖得地勢不能守然今
 能用魏者莫如君矣王聽趙殺痤之後強秦襲趙之
 欲倍趙之割君將何以止之此君之累也信陵君曰

諾遽言之王而出之以也之其孫臏齊臣也魏伐趙趙與韓親共擊魏趙不利戰於南梁宣王召田忌復故位韓氏請救於齊宣王召大臣而謀曰蚩救孰與晚救騶忌子曰不如勿救田忌曰弗救則韓且折而入於魏不如蚩救之孫臏曰夫韓魏之兵未弊而救之是吾代韓受魏之兵顧反聽命於韓也且魏有破國之志韓見亡必東面而愬於齊矣吾因深結韓之親而晚承魏之弊則可重利而得尊名也宣王曰善乃陰告韓之使者而遣之韓因恃齊五戰不勝而東委國於齊齊因起兵使田忌田

嬰將嬰一作盼孫子為師救韓趙以擊魏大敗之馬陵殺

其將龐涓虜魏太子申又云南梁之難韓氏請救于齊田侯召大臣而謀曰早救

之孰與晚救之便張弓對日晚救之韓且折而入于魏不如蚤救之田忌曰不可夫韓魏之兵未弊而我救之是我代韓而受魏之兵顧反聽命于韓也且夫魏有破韓之志韓見且亡必東愬于齊我因陰結韓之親而晚承魏之弊則國可重利可得名可尊矣田侯曰善乃陰告韓使者而遣之韓自以專有齊國五戰五不勝東愬于齊齊國起兵擊魏大敗之馬陵魏破韓弱韓魏之君因田嬰北面而朝田侯田侯齊宣也

樂毅為燕亞卿當是時齊湣王強南敗楚相唐昧於重丘西摧三晉於觀津遂與三晉擊秦助趙滅中山破宋廣地千餘里與秦昭王爭重為帝已而復歸之



諸侯皆欲背秦而服於齊潘王自矜百姓弗堪於是昭王問伐齊之事樂毅對曰齊霸國之餘業也地大人眾未易獨攻也王必欲伐之莫如與趙及楚魏於是使樂毅約趙惠文王別使連楚魏令趙囁秦囁進說之以伐齊之利諸侯害齊潘王之驕暴皆爭合從與燕伐齊樂毅還報燕昭王悉起兵使樂毅為上將軍惠施魏臣也齊魏戰於馬陵齊大勝魏殺太子申覆十萬之軍魏王召惠施而告之曰夫齊寡人之讎也怨之至死不忘國雖小吾嘗欲悉起兵而攻之何如對曰不可臣聞之王者得度而霸者知計今王所以

告臣者疏於度與計王固先屬怨於趙而後與齊戰今戰不勝國無守戰之備王又欲悉起而攻齊此非臣之所謂也王若欲報齊乎則不如因變服折節而朝齊楚王必怒矣王游人而令其鬪則楚必伐齊以休楚而伐罷齊則必為楚禽矣是王以楚毀齊也王曰善乃使人報於齊願臣畜而朝田嬰許諾張丑曰不可戰不勝魏而得朝禮與魏和而下楚此可以大勝也今戰勝魏覆十萬之軍而禽太子申臣萬乘之魏而卑秦楚此其暴戾定矣且楚王之為人也好用兵而甚務名終為齊患者必楚矣田嬰不聽遂內魏

王而與之並朝齊使再至趙氏醜之楚王怒自將而伐齊趙應之大敗齊於徐州

册府元龜

册府元龜

淮南李嗣京參閱

西極文翔鳳訂正

豫章黃國琦較釋

陪臣部 七百三十七

薦賢 賢德

薦賢

夫十室之邑必有忠信三人同行厥有我師舉爾所知惟君子之不比各於其黨見士庶之相讓若乃春秋務戰之世敵國惡賢之際而有處大夫之列挾霸

王之術以尊其主者何嘗不勤接士類汲引材智推
轂靡遺於後進拔茅乃至於彙征大則讓卿宰之位
小則備家陪之列或以素敦友善夙知隱滯或以方
在羈旅久為僕御並加推獎俾之效用至於舉讎取
盜會無嫌問自非深於知人忠於事上者其能若是
乎

鮑叔牙齊大夫也桓公使為宰宰太宰也辭曰臣君之備

臣也君加惠于臣使不凍饑則君之賜也若必治國
家者則非臣之所能也其惟管夷吾乎臣之所不知
管夷吾者有五寬惠愛民臣不如也治國家不失其

秉臣不如也秉柄也柄所操以作事國柄者賞罰之紀要故也忠信可結於

諸侯臣不如也制禮義可法於四方臣不如也執枹
鼓立於軍門使百姓皆加勇焉臣不如也夫管子民
之父母將欲治其子不可棄其父母公曰夫管夷吾
射寡人中鈎殆於死今乃用之可乎鮑叔對曰彼為
其君動也君若宥而反之其為君猶是也桓公遂任
以政

管仲相齊三月請論百官桓公曰諾管仲曰升降揖
讓進退閑習辯辭之剛柔臣不如隰朋請立以為大
行墾草入邑辟土聚粟多眾盡地之利臣不如甯戚

請立以為司田平原廣牧

廣遠可牧之地

車不結轍士不旋

踵鼓之而三軍之士視死如歸臣不如王子城父請

立以為大司馬決獄折中不殺不辜不輕有罪臣不

如賓胥無請立以為大司理犯君顏色進諫必忠不

避死亡不撓富貴臣不如東郭牙請立以為大諫之

臣此五子者夷吾一不如

於三子者各不如其一

然而以易夷

吾夷吾不為也

以五子之能易夷吾之德則夷吾所以不能

君若欲治國

強兵則五子者存矣若欲霸王夷吾在此桓公曰善

孔子曰管仲遇盜取二人焉上下為公臣曰其所與

遊避者可人也

言此人可也但居惡人之中使人犯法

管仲死桓公使

為之服宦於大夫者之為之服也自管仲始也有君

命焉爾也

亦記失禮所繇也善桓公不忘賢者之舉宦猶仕也此仕于大夫連升于公與為大

夫之諸侯同爾禮不反服

佚之狐鄭大夫晉文公與秦伯圍鄭佚之狐言於鄭

伯曰國危矣若使燭之武見秦君師必退

燭之武亦鄭大夫

公從之辭曰臣之壯也猶不如人今老矣無能為也

已公曰吾不能蚤用子今急而求子是寡人之過也

然鄭亡子亦不利焉許之夜縋而出見秦伯秦師

乃還

曰季晉大夫使過冀見冀缺禱其妻饁之

白季晉臣也冀晉邑

釋鋤也野 饋曰饋 敬相待如賓與之歸言諸文公曰敬德之

聚也能敬必有德德以治民君請用之臣聞之出門

如賓 如見大賓 承事如祭 常敬謹也 仁之則也公曰其父有罪

可乎 缺父冀芮 對曰舜之罪也殛鯀其舉也興禹 禹

子管敬仲桓之賊也實相以濟康誥曰父不慈子不

祇兄不友第不恭不相及也 祇敬也 詩曰采芣采菲無

以下體君取節焉可也 芣菲之菜上善下惡食之者不以其惡而棄其善言可取

上善 文公以為下軍大夫

百里奚秦大夫初仕虞虞亡走宛秦繆公以五羖羊

皮贖之授之國政號曰五羖大夫百里奚讓曰臣不

及臣友蹇叔蹇叔賢而世莫知臣嘗游困於齊而乞

食餽人 輕一作姪 蹇叔收臣臣因而欲事齊君無知蹇叔

止臣臣得脫齊難遂之周周王子頹好牛臣以養牛

干之及頹欲用臣蹇叔止臣臣去得不誅事虞君蹇

叔止臣臣知虞君不用臣臣誠私利祿爵且留再用

其言得脫一不用及虞君難是以知其賢於是穆公

使人厚幣迎蹇叔以為上大夫

虞丘相為楚相孫叔敖者楚之處士也虞丘相進之

於楚莊王以自代

趙文子 趙武也 為晉大夫所舉於晉國管庫之士七十



有餘家 管庫之士府史以下官長所置也舉之 晉平
於君以為士大夫也管鑊也庫物所藏
公過九原而歎曰嗟呼此地之蘊吾良臣多矣若使
死者起也吾將與誰歸乎叔向對曰趙武乎平公曰
子黨於子之師也對曰臣敢言趙武之為人也立若
不勝衣言若不出於口然其身舉士於白屋下者四
十六人皆得其意而公家甚賴之及文子之死也四
公曰善夫趙武賢臣也相晉天下無兵革者九年春
秋曰晉趙武之力盡得人也 而趙武之賢
司馬侯為晉大夫悼公與之升臺而望曰樂夫對曰

臨下之樂則樂矣德義之樂則未公曰何謂德義對
曰諸侯之為日在君側以其善行以其惡戒可謂德
義矣公曰孰能對曰羊舌盼習於春秋乃召叔向使
傳太子彪

祁奚為晉大夫請老 老致仕也 問嗣焉 嗣續其職者 稱解狐其
離也將立之而卒 解狐 又問焉對曰午也可 午祁赤 於
是羊舌職死矣晉侯曰孰可以代之對曰赤也可 赤
之子 伯華 於是使祁午為中軍尉羊舌赤佐之 各代其父 君子
謂祁奚於是能舉善矣稱其離不為諂立其子不為
比舉其偏不為黨 諂媚也偏媚屬也 周書曰無偏無黨王道



蕩蕩

蕩蕩平正無私

其祁奚之謂矣解狐得舉

未得位故祁

日得舉

午得位伯華得官建一官而三物成

一官軍尉物事也

能舉

善也夫惟善故能舉其類詩云惟其有之是以似之

祁奚有焉

言惟有德之人能舉似已者

趙盾為晉大夫

趙盾宣子也

言韓獻子於靈公

獻子韓厥也

為司馬河曲之役趙孟使人以其乘車行獻子執而戮之衆咸曰韓厥必不沒矣其主朝升之而暮戮其

車其誰安之宣子召而禮之曰吾聞事君者比而不

黨夫周以舉義比也舉以其私黨也夫軍事無犯犯

而不隱義也吾言汝於君懼汝不能也舉而不能黨

孰大焉勉之臨長晉國者非汝其誰皆告諸大夫曰

二三子可以賀我矣吾舉厥也而中吾乃今知免於

罪也

公叔文子為衛大夫薦其家臣僕與文子同升諸公

僕本文子家臣薦之使與已並為大夫同升在公朝上

孔子聞之曰可以為文

矣言行如是可謚為文

晏嬰為齊相景公時晉伐阿鄆而燕侵河上齊師敗

績景公患之晏嬰薦田穰苴曰穰苴雖田氏庶孽

司馬

穰苴者田完之苗裔也

然其人文能附衆武能威敵願君試之

景公召穰苴與語兵事大說之以為將軍嬰嘗出其

御之妻從門間而闕其夫其夫為相御擁大蓋策駟馬意氣揚揚甚自得也既而歸其妻請去夫問其故妻曰晏嬰長不滿六尺身相齊國名顯諸侯今者妾觀其出志念深矣常有以自下者今子長八尺乃為人僕御然子之意自以為足妾是以求去也其後夫自抑損晏子怪而問之御以實對晏子薦以為大夫魏冉為秦相舉白起使代向壽將而攻韓魏敗之伊闕斬首二十四萬虜魏將公孫喜明年又取楚之宛

葉

公仲連為趙烈侯相國烈侯好音謂公仲連曰寡人

有愛可以貴之乎公仲連曰富之可貴之則否烈侯曰然夫鄭歌者槍石二人吾賜之田八萬畝公仲曰諾不與居一月烈侯從代來問歌者田公仲曰求未有可者有頃烈侯復問公仲終不與乃稱疾不朝蕃吾君蕃音盤常山有蕃吾縣自代來謂公仲曰君實好善而未知所持今公仲相趙於今四年亦有進士乎公仲曰未也蕃吾君曰牛畜荀欣徐越皆可公仲乃進三人及朝烈侯復問歌者田何如公仲曰方使擇其善者牛畜侍烈侯施以仁義約以王道烈侯適然明日荀欣侍以選練舉賢任官使能明日徐越侍以節財儉

用察度功德所與無不克君說烈侯使使謂相國曰
 歌者之田且止官牛畜為師荀欣為中尉徐越為內
 史賜相國衣二襲單復具為一襲
 趙勝封平原君趙奢者趙之田部吏也平原君以為
 賢言之於王王用之治國賦國賦大平民富而府庫
 實

田忌為齊大夫孫臏至齊田忌善而客待之進於威
 王威王問兵法遂以為師大破梁軍

貂勃為齊大夫常惡安平君田單小人也安平君聞之
 故為酒而召貂勃曰單何以得罪於先生故常見譽

於朝貂勃曰距之狗吠堯非貴距而賤堯也狗固吠
 非其主也且今使公孫子賢而徐子不肖然而公孫
 子與徐子鬪徐子之狗繇將攫公孫子之腓而噬之
 也若乃得去不肖者而為賢者狗豈得攫其腓而噬
 之哉安平君曰敬聞命明日任之於王王有所幸臣
 九人之屬傷安平君相與語於王曰燕之伐齊之時
 楚王使將軍將萬人而佐齊今國已定而社稷已安
 矣何不使使者謝於楚王王曰左右孰可九人之屬
 曰貂勃可貂勃使楚

李克為魏大夫文侯謂李克曰先生嘗教寡人家貧



則思良妻國亂則思良相今所置非成則璜璜翟璜也成文

侯弟二子何如李克對曰臣聞之卑不謀尊疎不謀戚

臣在關門之外不敢當命文侯曰先生臨事勿讓李

克曰君不察故也居視其所親富視其所與達視其

所舉窮視其所不為貧視其所不取五者足以定之

矣何待克哉文侯曰先生就舍寡人之相定矣李克

趨而出過翟璜之家璜曰今者聞君召先生而卜相

果誰為之乎李克曰魏成子為相矣翟璜忿然作色

日以耳目之所觀記臣何負於魏成子西河之守臣

之所進也君內以鄴為憂臣進西門豹君謀欲伐中

山臣進樂羊中山已拔無使守之臣進先生君之子

無傳臣進屈侯鮒臣何負於魏成子克曰且子之言

克於子之君者豈將比周以求大官哉君問置相非

成則璜二子何如克對曰君不察故也居視其所親

富視其所與達視其所舉窮視其所不為貧視其所

不取五者足以定之矣何待克哉是以知魏成子之

為相也且子安得與魏成子比乎魏成子食祿千鍾

什九在外什一在內是以東游得卜子夏田子方段

干木此三人者君皆師之子之所進五人者君皆臣

之子惡得與魏成子比也翟璜逡巡再拜曰璜鄙人

也失對願卒為弟子

鄭安平魏人范雎既為魏齊笞擊得出後魏齊悔復
召求之安平聞之乃遂操范雎亡伏匿更名姓曰張
祿當此時秦昭王使謁者王稽於魏鄭安平詐為卒
侍王稽王稽問魏有賢人可與俱西游者乎鄭安平
曰臣里中有張祿先生欲見君言天下事其人有仇
不敢晝見王稽曰夜與俱來鄭安平夜與張祿見王
稽語未究王稽知范雎賢謂曰先生待我於三亭之
南與私約而去王稽辭魏去過載范雎入秦至湖關
望見車騎從西來范雎曰彼來者謂誰王稽曰秦相

穰侯東行縣邑范雎曰吾聞穰侯專秦權惡內諸侯
客此恐辱我我寧且匿車中頃穰侯果至勞王稽因
立車而語曰關東有何變曰無有又謂王稽曰謁君
得無與諸侯客子俱來乎無益徒亂人國耳王稽曰
不敢即別去范雎曰吾聞穰侯智士也其見事遲鄉
者疑車中有人忘索之於是范雎下車走曰此必悔
之行十餘里果使騎還索車中無客乃已王稽遂與
范雎入咸陽已報使因言曰魏有張祿先生天下辯
士也曰秦王之國危於累卵得臣則安不可以言傳
也臣故載來後秦王拜雎為相

夫家陪攸設命日諸侯之臣德用南彰乃為巨室之
 慕本自列國政出多門武力相征謀臣並驚達從政
 之道處交兵之間而能滅私徇公克已致讓謙抑周
 慎教戒垂裕改過不吝容衆在寬正以御家忠以事
 上信義兼著貞白自守飭行以絜矩恕已以推義無
 遺時哲得是民好謹厚而知節廉約而繕性至於進
 退語默咸適其宜昭厥聲猷為人景仰斯乃得士君
 子之道矣

史駢為晉上軍佐初賈季奔狄趙宣子使史駢送其

季

季中軍之佐同官故

夷之蒐賈季戮史駢史駢之

人欲盡殺賈氏以報焉史駢曰不可吾聞前志有之

曰敵惠敵怨不在後嗣忠之道也

敵猶對也若及子孫則為非對非對

則為夫子禮於賈季我以其寵報私怨無乃不可乎

言蒙宣已

介人之寵非勇也

介因也

損怨益仇非知也

殺季家欲以除怨宣

子將復怨已是益仇以私害公非忠也釋此三者何

以事夫子盡具其帑與其器用財賄親帥扞之送致

諸境

子良鄭公子也鄭靈公遇弒鄭人將立子良

穆公庶子辭

曰以賢則去疾不足

去疾子良名

以順則公子堅長乃立

襄公襄公堅也襄公將去穆氏逐群兄弟而舍子良以其讓已子良

不可曰穆氏宜存則固願也若將亡之則亦皆亡去

疾何為何為獨留乃舍之皆為大夫

卻克卻獻子也為晉大夫將中軍靡笄之役韓獻子將斬

人卻獻子馳將救之至則既斬之矣卻子使速以狗

告其僕曰吾以分謗也不欲韓氏獨受謗

士燮范文子也為晉大夫佐上軍靡笄之役卻獻子師勝

而反范文子後入武子曰燮乎汝亦知吾望爾也乎

對曰夫師卻子之師也其事臧若先則恐國人之屬

耳目於我也故不敢武子曰吾知免矣

公子黑肱為鄭大夫有疾歸邑于公黑肱子張召室老宗

人立段段子石而使黜官溥祭黜官無多受職祭以特羊殷

以少牢四時祀以一年三年盛祭以羊豕殷盛也足以供祀盡歸其餘邑

曰吾聞之生於亂世貴而能貧民無求焉可以後亡

敬共事君與二三子生在敬戒不在富也是月子張

卒君子曰善戒詩曰慎爾侯度用戒不虞鄭子張其

有焉詩大雅侯維也義取慎法度戒未然

華元為宋大夫宋城華元為植廵坊植將主也城者謳曰

睥其目瞻其腹棄甲而復睥出瞻大腹棄謂亡師于思于思棄

甲復來于多鬚思之貌使其驟乘謂之曰牛則有皮犀兕尚



多棄甲則那何也役人日從其有皮丹漆若何華元

日去之夫其口衆我寡傳言華元不吝其咎寬而容衆

子罕爲宋司城鄭尉氏司氏之亂其餘盜在宋亂在魯襄

公十年鄭人以子西伯有子產之故納賂于宋三子之父皆爲

尉氏所殺故以馬四十乘百六十四與師茂師惠樂師也茂公

孫黑爲質焉公孫黑子哲也司城子罕以堵汝父尉翩司齊

與之良司臣而逸之賢而放之託諸季武子武子寘諸卞

子罕以司臣託季氏鄭人醢之三人也三人堵汝父尉翩司齊也師慧過宋

朝將私焉私小其相曰朝也相師慧曰無人焉相曰

朝也何故無人慧曰必無人焉若猶有人豈其以千

乘之相易淫樂之矇必無人焉故也千乘之相謂子產等也言不爲

子產殺三盜得賂而歸子罕聞之固請而歸之言子罕能

過改荆人士尹尹一作若池使於宋子罕止而觴之南家之墻

擁於前而不直西家之潦經於宮而不止士尹池問

其故子罕曰南家工人也爲鞞者也吾將徙之其父

曰吾恃爲鞞以食三世矣今徙是宋邦之求鞞者不

知吾處也吾將不食願相國之憂吾不食也爲是故

不徙也西家高吾官卑潦之經吾官也利爲是故吾

不禁也士尹池歸荆適興兵欲攻宋士尹池諫於王

曰宋不可攻也其主賢其相仁賢者得民仁者能用
人攻之無功為天下笑楚乃釋宋而攻鄭孔子聞之
曰夫修之于廟堂之上而折衝于千里之外者司城
子罕之謂也

范武子為晉大夫宋向戌請弭諸侯之兵為會于宋

楚子木問於趙孟曰范武子之德何如士會賢聞於諸侯故問之

對曰夫子之家事治言於晉國無隱情其祝史陳信

於鬼神無愧辭祝陳馨香德足副之故不愧子木歸以語王王曰

尚矣尚上也能歆神人歆享也使神享其祭人懷其德宜其光輔五君

以為盟主也五君文襄靈成景也

子產為鄭大夫豐卷將祭請田焉弗許田獵也曰惟君

用鮮鮮野獸衆給而已衆臣祭以芻豢為足子張怒子張豐卷也退而

徵役召兵欲攻子產子產奔晉子皮止之而逐豐卷豐卷奔

晉子產請其田里請於公不沒入三年而復之反其田里及

其入焉田里所收入

叔孫豹為魯大夫季武子伐莒莒人告於虢之會楚

告於晉請戮其使時叔孫豹在會欲戮之樂王鮒相趙文子欲

求貨於叔孫而為之請叔孫弗與曰諸侯之會衛社

稷也我以貨免魯必受師是禍之也何衛之為雖然

季孫魯國何罪叔出季處有自來矣吾又誰怨趙孟



聞之曰臨患不忘國忠也謂言魯國何罪思難不越官信也

謂言叔出季處圖國忘死貞也謂不以禍免謀主三者義也三者忠信

貞有是四者又可戮乎弁義而四乃請諸楚曰魯雖有罪

其執事不辟難執事謂叔孫畏威而敬命矣謂不敢避戮子若

免之以勸左右可也若子之群吏處不避汗汗勞事出

不逃難不苟免其何患之有患之所生汗而不治難而

不守所由來也能是二者又何患焉不靖其能又誰

從之安靖則衆賢能附從魯叔孫豹可謂能矣請免之以靖能

者子會而赦有罪不伐魯又賞其賢赦叔孫諸侯其誰不

欣焉望楚而歸之視遠如邇疆場之邑一彼一此何

常之有恤大舍小足以爲盟主子其圖之固請諸楚

楚人許之乃免叔孫

陳桓子爲齊大夫欒施高疆來奔於魯陳鮑分其室

晏子謂桓子必致諸公讓德之主也讓之謂懿德凡

有血氣皆有爭心故利不可疆不可疆取思義爲愈義利


之本也蘊利生孽蘊畜也孽妖害也姑使無蘊乎可以滋長

桓子盡致諸公而請老子于莒莒齊邑桓子召子山子山子商

子周襄三十一年子尾所逐群公子私具幄幕器用從者之衣履私具不告

而反棘焉棘子山故邑齊國西安縣東有棘里亭子商亦如之而反

其邑子周亦如之而與之夫子子周本無邑故更與之齊南於陵縣西北



有子 反子城子公公孫捷 三子襄八年 子旗所逐 而皆益其祿

凡公子公孫之無祿者私分之邑 桓子以已 邑分之 國之貧

約孤寡者私與之粟公與桓子莒之旁邑辭 讓不 受 穆

孟姬為之請高唐陳氏始大 穆孟姬景公母傳 言陳氏所以興

叔孫婁魯大夫也為晉人所執叔孫所館者雖一日

必葺其牆屋 葺補 治也 去之如始至 不以當去而 有所毀壞

延陵季子吳公子也楚子期伐陳季子救之謂子期

曰二君不務德 二君 吳楚 而力爭諸侯民何罪焉我請退

以為子名務德而安民乃還 季王吳王 壽夢少子

司馬牛為宋大夫桓魋之弟也桓魋之寵害于公 恃 寵

驕 盈 公使夫人驟請享焉而將討之 夫人景公母也數 請享飲欲因請討

未及魋先謀公請以鞍易薄 鞍向 魋邑薄公邑欲因 易邑為公享宴而作亂

乃益鞍七邑而請享公焉 偽喜于 受賜 以日中為期家備

盡往 甲兵 之備 公知之魋奔衛司馬牛致其邑與珪焉而

適齊 珪守邑 符信 何魋出於衛地公文氏攻之 公文氏 衛大夫 求

夏后氏之璜焉與之他玉而奔齊陳成子使為次卿

司馬牛又致其邑焉而適吳 示不與 魋同 吳人惡之而反

趙簡子召之陳成子亦召之卒於魯郭門之外阼氏

葬之丘輿 阼氏魯人也泰山南城縣北有輿 城錄其卒葬所在愍賢者失所

沈諸梁字子高為楚葉公白公勝作亂殺令尹子西

司馬子期圍公陽穴宮負王昭王子 惠王也以如昭夫人之

宮公陽楚大夫昭 夫人王母越女葉公亦至及北門或遇之日君胡

不肖國人望君如望慈父母焉盜賊之矢若傷君是

絕民望也若之何不肖乃肖而進又遇一人曰君胡

肖國人望君如望歲焉歲年 穀子日日以幾冀君 來若見君

面是得艾也艾安也民知不死其亦夫有奮心猶將旌

君以狗於國旌表也而又掩面以絕民望不亦甚乎乃

免胄而進言葉公 得民心遇箴尹固帥其屬將與白公欲與 白公

子高曰微二子者楚不國矣二子子西子期也 相 舉之敗二子功多

德從賊其可保乎乃從葉公使與國人以攻白公

白公縊死沈諸梁兼二事二事令 尹司馬國寧乃使寧為令

尹子西之 子子國使寬為司馬子期之子而老於葉

趙文子為晉大夫其中退然如不勝衣中身也 退柔 和貌 鄉射記

日弓二寸以為侯中退或為安其言訥訥然不如諸其口訥訥舒 所

舉於晉國管庫之士七十有餘家管府之士 府史以 下官長所置也 舉

之於君以為大夫士也 管鍵也生不交利廉也死不屬其子焉潔也

晏嬰為齊大夫事齊靈公莊公景公其在朝君及之


卽危言語不及之卽危行國有道卽順命無道卽衛


命以此三世顯名於諸侯



册府元龜

Vertical columns of faint Chinese text, likely bleed-through from the reverse side of the page.





府元龜

